


# Taiala o le Faasalalauga o le Feagaiga Fou i le Vitio



# Taiala o le Faasalalauga o le Feagaiga Fou i le Vitio

Saunia e le Ofisa  
o Aoga a le Eklesia

Lomia e le Eklesia a Iesu Keriso  
o le Au Paia o Aso e Gata Ai,  
Aai o Sate Leki, Iuta

© 1992 e le Ekalesia a Iesu Keriso o le Au Paia o Aso E Gata Ai  
Ua taofia aia uma.

Lomia i le Iunaite Setete o Amerika  
Faamaonia le gagana Peretania: 6/92  
Faamaonia le faaliliuina: 6/92

Faaliliuina o le New Testament Media Guide  
34232 890

---

# *Faasino Mataupu*

---

**LESONA**

VITIO	POLOKA O MAU	ULUTALA	ITULAU
	Faatomuaga.....		v
1	O le Talalelei	“O mai Ia Te Au”.....	1
2	Feagaiga Fou	O le Paso.....	2
3	Feagaiga Fou	Faatulagaina o le Feagaiga Fou .....	3
4	Feagaiga Fou	Tu ma Aga o le Feagaiga Fou .....	4
5	Mataio 9	“O Lou Faatuatua ua e Atoatoa Ai”.....	6
6	Mataio 13	Faataoto .....	7
7	Mataio 21	O Le Amiontonu ma le Alofa .....	7
8	Luka 22:1–20	O le Faamanatuga .....	9
9	Mataio 26:28	“I Lenei Itu Sa Ou Fanau Ai” .....	10
10	Ioane 21	“Fafaga I Au Mamoe”.....	10
11	Galuega 10	O Aso Ua Loa ona Folafolaina .....	11
12	Galuega 21–28	Paulo–O le Tagata Filifilia .....	12
13	Roma	O le Aoaoga o le Agaalofa .....	13
14	Roma	Faatuatua ma Galuega .....	14
15	1 Korinito 3–6	O le Tino o le Malumalu .....	15
16	2 Korinito 7	Tiga Faaleatua e oo atu i le Salamo .....	16
17	Kalatia 6	O le Tulafono o le Seleseloga .....	17
18	Efeso 6:10–18	“O le Ofutau Atoatoa o le Atua”.....	17
19	2 Tesalonia 1:–2:3	O le Afio Faalua Mai.....	18
20	Eperu 11	“O le Amiontonu e Ola i le Faatuatua” .....	19
21	Faaaliga	Fesoasoaniga ia Malamalama i le Tusi o Faaaliga .....	20



# Faatomuaga

O le faalauteleina o le Feagaiga Fou o lo o i ai ni kaseti vitio se lua ma se tusi taiala. O ia mea ua saunia e le vaega o Aoaoga a le Ekalesia mo le faaaogaina i kosi faa-Seminare o le Feagaiga Fou.

O lo o i ai i kaseti vitio e lua lesona ua fuafuaina e fesoasoani ia te outou mo le aoaoina atu o le Feagaiga Fou. O lenei taiala o faasalalauga e maua atu ai fautuaga mo le faaaogaina lelei o aoaoga i le vitio.

## **FESILI ATONU O LE A OUTOU FESILI AI**

**O LE A LE FAIĀ A LE TAIALA O FAASALALAUGA MA LE ‘AUVI A LE FAIAOGA?** Talu ai o aoaoga faavitio e sili atu ona faafou soo nai lo lomiga o mataupu aoaoina, o lesona o lo o aveatu faatasi ma le vitio e le tuufaatasia ma lesona i le ‘auivi a le Faiaoga (teacher outline).

O lesona i le taiala o le vitio atonu latou te suia le lesona atoa, suia se vaega o le lesona, po o le avea ma se faaopoopoga i le lesona o lo o i le ‘auivi mo le faiaoga. E ao i le faiaoga ona faitau ma le faaeteete ia le taiala o le vitio ma le ‘auivi mo le faiaoga, ina ia mautinoa ua aofia atoa ai le poloka o mau o lo o faatulaga mai i le lesona.

Ao e saunia e faaali le vitio, e mafai ona e mauaina ni auala faaopoopo e aoao atu ai poloka o mau e faaaoga ai aoaoga i le vitio. Ia e maua le saolotoga e faaali atu ai ou lagona ae ia tumau pea le faasologa lelei o mataupu faavae o lo o aoaoina.

**E FAAPEFEA ONA OU SAUNIA E FAAAOGA LENEI VITIO?** E taua lou sailia o le Agaga o le Alii e ala i le tatalo, suesue i tusitusiga paia, ma mafaufau loloto.

O le aoaoina atu lelei o tusitusiga paia e amata a o e faamasani ma poloka o mau ma mataupu, tusitusiga ma faamatalaga o vitio o lo o mafai ona maua. Ona, e filifili

ai lea ma faatulaga gaoioiga faatonuina e talafeagai ma manoga o tamaiti, i lalo o le taitaiga a le Agaga.

O aoaoga i le vitio e i ai faamatalaga tusitusia ma metotia e manaomia ai le sauniuni mamao atu. Ia faitau fautuaga uma o lo o i le taiala mo faasalalauga ma ia faia sauniuniga talafeagai a o le i faaalia le vitio. Ia sili atu i le faatasi ona e maimoaina muamua le vitio pe a tatau ai.

O lo o fautuaina mai e le taiala mo faasalalauga i le vitio mea e fai a o le i faaalia le vitio, a o fai le vitio, ma pe a uma ona faaali le vitio.

Ia manatua o aoaoga taitasi i le vitio ua na o se vaega o gaoioiga faatonuina ua filifilia mo le aoaoina atu o se poloka o mau. Ia tuu atu se faautautaga lelei i le ala ma le taimi e faaaoga ai le vitio i le lesona aoao mo le aso.

O le aoga atoatoa o le vitio e faamoemoe tasi i le ala e faaaogaina ai. E mafai ona leai se uiga o le aoaoga i le vitio i tamaiti o le vasega, po o le a matua faaitiitia foi le mamana o le aoaoga pe a le faaaogaina e pei ona fuafuaina ai.

## **E FAAPEFEA ONA OU FAAAOGAINA LE AOAOGA O LE PIPII I LE AIU'AMEA FAATASI MA LENEI VITIO?**

Ua saunia e le Ofisa o Aoga a le Ekalesia ni aoaoga se sefululua i le vitio, faatasi ai ma faamatalaga tusitusia o lesona ua taua o le Pipii i le Ai Uamea. O nei aoaoga ua fuafuaina e faaosofia ai le manao o tamaiti aoga e aoao tusitusiga paia ma fesoasoani ia i latou ia maua tomai e tatau ai ina ia sili atu lo latou malamalama i tusitusiga paia.

I le taimi ua tuanai, sa faamalosia faiaoga e faaali le aoaoga Pipii i le Ai'uamea 1-3 i ni nai uluui vaiaso o le kosi o le Feagaiga Fou. Ona e i ai isi aoaoga faavitio o le Feagaiga Fou e faaalia i lena taimi, atonu e fuafua e faiaoga le faatuu o le faaaliga o le aoaoga o le Pipii i le Ai'uamea.



**FAAMOEMOEAGA**

Ia faatauanau le vasega e o mai ia Keriso ma naunau e mulimuli ia te ia.

**AO LE ‘I AMATAINA LE VITIO**

**MALAMALAMAAGA I MAU** Amata le lesona i le faiatina o le Mataio 11:28–30 faatasi ma le vasega. I lenei mau o lo o valaaulaina ai i tatou e Iesu e omai ia te ia. Faamalamalama o lenei lesona o le a faaautu i mafuaaga e tatau ai ona o ia Keriso.

O Iesu o le Atua o lo o i ai le malosiaga tele. Faitau faatasi le Ioane 1:1–3, 14. Fesili atu, “O a mafuaaga o lo o tuuina mai e lenei mau pe aisea e tatau ai ona tatou o atu i le Faaola?” Fesoasoani i le vasega ia malamalama o Iesu o le Atua ao le i soifua mai, ma sa ia faia le lagi ma le lalolagi i lalo o le taitaiga a lo tatou Tama Faalelagi. E mafai ona e tusia lenei mea i luga o le laupapa.

**LESONA FAATINO** E mafai ona e faaaogaina lenei lesona faatino e fesoasoani i le vasega ia malamalama i le galue, mana, ma le mamalu o Iesu Keriso:

Ia tuu ni oneone susu i se atigi apa. Ia tofia nisi o le vasega e tuu taitasi lima i totonu o le oneone. Fai atu ia i latou e faitau le aofai o oneone o lo o pipii i o latou lima. Mate mai e i latou pe fia oneone o lo o i totonu o le atigi apa. Fai atu i le vasega e manatunatu pe a taumafai e faitau oneone e amata mai i le talafatai i sisifo o Alaska e oo atu i le tumutumu o Amerika i Saute ma toe foi atu i le itu i sasae o le Greenland.

“E le gata i lea, ae ana mafai foi ona faiatulia e le tagata vaega iti uma o le lalolagi, ioe, po o le miliona ma miliona o isi foi lalolagi e pei o lenei, e matua le mafai lava ona tutusa ma le faiatuga o au mea na fai.” (Mose 7:30). O le lautele o foafoaga a le Alii o le fua lea o le tele o lona malosi. Ia fesoasoani atu i le vasega ia malamalama o le Faaola o lo o naunau e faaaogaina lona mana atoatoa e fesoasoani ia i latou e omai ia te ia.

**FAAAOGAINA O LE VITIO**

*“O mai ia te Au” 11:26*

**GAOIOIGA “VAAVAAI MO”** Valaaulia le vasega e matamata le ata ma saunia e talanoaina nisi mafuaaga faaopoopo e omai ai ia Keriso.

**FAAALI LE VITIO** O le vitio o lo o i ai ni faatalanoaga o ni tamaiti o le seminare, sosoo mai ai ma ni vaaiga taua i le soifuga o le Faaola. O molimau ma vaaiga faaalia e faailoa mai ai nisi o mafuaaga e pei ona taua e omai ai ia Keriso:

- E alofa o Ia ia i tatou e le faatuaoa
- E malamalama o Ia ia i tatou

- O lo o ia te Ia le mana e siitia ai a tatou avega mamafa faaleagaga, faaletino, ma faalemafaufau.

- E naunau o Ia e faamagaloo

- O Ia o lo tatou Faaola

**PE A MAE’A LE VITIO**

**TALANOAGA** Fesili atu, “O a nisi o mafuaaga o lo o faaalia i le vitio mo le omai ia Keriso?” Taumafai e fesoasoani i le vasega ia maua mafuaaga o lo o ttau i luga. E mafai ona e lisiina ia mea i luga o le laupapa. E i ai foi le avanoa e faaopoopo i ai nisi mafuaaga e fautuina mai e le vasega. Talanoa pe faapeflea e i latou ua ttau i faataitaiga taitasi ona maua le “malologa”. E toatele lau vasega ua maua ni aafiaga musuia i le sailia o le Alii ma lana malologa. Ao e molimau i ou foi aafiaga patino, fai atu i le vasega e mafaufau i taimi sa fesoasoani ai le Faaola ia i latou poo o latou aiga. Fai atu ia i latou e fetufaa i latou aafiaga ma le vasega.

Valaaulia le vasega e toe faitau le Mataio 11:28–30. Fesili mo se tasi o le vasega e faamatala po o le a le amo. O le fautuaga lenei mai ia Peresitene Howard W. Hunter atonu e mafai ona fesoasoani.

**UPUSII** “I le vaitaimi o le tusi paia, o le amo o se auala sa fesoasoani malosi ia i latou sa faatoaina le lauelele. Sa mafai ai e le malosi o le manu lona lua ona fesoootai faatasi ma le taumafaiga a le isi manu, ma fetufaa i ma faaitiitia ai galuega mamafa a le palau po o le taavale toso. O se avega e mamafatu, ma e atonu e faigata i se toatasi ona tauaveina ae e gafatia ona tauaveina e se toalua ua fusia faatasi i se amo e tasi . . .

“Aisea e faafetaiai ai ma avega o le olaga na o oe, sa saunoa mai ai le Keriso, po o le aisea e faafetaiai ai ia tulaga i mea faalenei lalolagi e vave ona faumatia? Ia i latou o lo o mamafa avega, o le amo a Keriso, o le malosi ma le filemu o le tutu faatasi ma le Atua na te saunia le fesoasoani, le paleni, ma le malosiaga e faafeiloai i o tatou luitau ma faatumauina a tatou galuega iinei i le lautele o lenei olaga” (O Le Liahona, Ianuari 1991 i. 19.)


**FAAIUGA** Faailoa atu i le vasega i le Mataio 11:28–30 o lo o fautua mai le Faaola ia i tatou e aoao ina ia iloa o ia. Molimau atu o lenei tausaga o se avanoa matagofie lea mo i latou e aoao ai ia te ia e ala ia latou aoaoga o le Feagaiga Fou. Ao latou aoao i ai, o le a latou molimauina le tele o tagata ua omai i le Faaola ma maua lona malologa, po o le teena foi o lana valaau. Faamalamalama i le vasega o le a latou maua foi lea lava avanoa. Talanoaina ni auala latou te talia ai lana valaau ma o atu ia te Ia.

**FAAMOEMOEGA**

Ina ia faaalua o le taimi ma le malosi e faaluina i le aoao o le Feagaiga Fou e mafai ona fesoasoani i le taliina o fesili o le olaga ma foia faafitauli faaletagata lava ia.

**AO LE'I AMATAINA LE VITIO**

**GAOIOIGA A LE VASEGA** Ia mautino ua malamalama le vasega i le mafuaaga o le paso-o se tulaga o ni auala felavasai ma ni vai auala pogisa. I luga o le laupapa, ia tusia se paso e pei o le paso o lo o faaalia.



Ia fusi mata o se tasi o le vasega ao le i faaalia le paso i le vasega. Ia i ai se isi o le vasega e o atu ma le ua fusia mata i le laupapa. O le tamaititi e le o fusia mata na te faaaogaina se penisina ma tusia le ala o le paso e tusa ai ma le faamatala mai a le o lo o fusia mata. Soo se taimi e oo atu ai i se tulaga e faia ai se filifiliga po o fea le auala e tatau ona alu i ai, o le o lo o fusi mata na te faia se tasi o filifiliga - taumatau, tauagavale, po o le alu sao i luma. O isi o le vasega e tatau ona o atu i le auala ua faailoa mai e le o lo o fusia mata. O le a faamaonia o se tulaga faigata mo i laua e toalua o lo o i le laupapa, ae faapea foi i le vasega atoa. Fesili atu i le vasega pe aisea e mafai ai ona faigofie mo i latou le faia o se filifiliga sao i lo o lē o lo o fusi mata. (O loo mafai ona latou vaai i le paso atoa.)

**MALAMALAMAAGA O LE FAIAOGA** Fesoasoani i le vasega ia iloa o le olaga e pei o se paso, ua faailoa mai ia i tatou i ni fesili faigata ma ni faafitauli le mautonu. E masani ona i ai le faigata o le iloa o le mea e tatau ona fai. O faafitauli ma fesili i o tatou olaga e masani ona faigofie ona faaaogaina pe a o tatou iloa lelei le mafuaaga o lo tatou olaga ma le mea tatou te agai i ai.

**FAAAOGAINA O LE VITIO**

O Le Paso 9:55

**GAOIOIGA "VAAVAAI MO"** Ao matamata le vasega i le vitio, fautua i ai e vaavaai mo faaiuga a au e tolu sa faia ao galulue i latou i le paso ma poo le a le aafiaga i lo latou manuia.

**FAAALI LE VITIO** O le ata o lo o faaali ai se tauvaga a tamaiti aoga o lo o faia i le o atu lea i se paso lapoa i fafo. O le au e laititi le taimi e o ai i totonu o lenei paso o le au lena e malo. I le paso latou te faia ai se filifiliga pe faaluina se taimi ma le malosi e a'e ai i se nofoaga maualuga ina ia iloa uma ai e le au le auala manino e amata ai. I le faaiuga o le au e faaluina le taimi ma le malosi e faaaogaina le nofoaga maualuga e vave ona oo atu i le iuga.

**PE A MAE'A LE VITIO**

**TALANOAGA** Fai atu i le vasega e iloilo po o a faaiuga sili ona taua sa faia i le o atu lea i totonu o le paso. Aisea na faia ai e isi talavou le faaiuga e aua le o atu i luga o le nofoaga maualuga? Toe foi i le talanoaga sa faia ao le'i faaalia le vitio. Fesili, "Afai o le olaga e pei o se paso, faamatala la o le a le nofoaga maualuga?" (Tusitusiga Paia, Taitai o le Ekalesia, matua, tatalo). "O a ni uiga na faaalia e aveesea ai i tatou mai le suesueina o tusitusiga paia?" Ia faalautele le moni o ia uiga agai i le suesueina o tusitusiga paia ma saunoaga a Taitai o le Ekalesia. Talanoaina pe faapefea ona avea tusitusiga paia ma Taitai o se nofoaga maualuga (latou te aumaia se tulaga atoatoa o le olaga ma faapefea ona uia le auala sao).

**MAKAINA O MAU** Faitau faatasi ma le vasega le 2 Timoteo 3:16. Ia makaina e i latou mafuaaga e fa o lo o taua i le mau "mo sauniuniga, ma aoaiga, ma aoaoga [ma] faatonuga i le amiontonu."

**GAOIOIGA I MAU** Tuuina atu i le vasega le tulaga lenei mo a latou suesuega. Ia latou tusiaina mai pe faapefea ona latou foia lea tulaga. Sosoo ai ma le faitauina e le vasega o mau o lo o lisiina atu ma filifili po o le a le mea o lo o aoao mai e mau e uiga i le taulimaina o ia tulaga faapea.

**Tulaga suesueina 1** O le epikopo ua ia faatoa tofiaina oe ma lou tama e asiiasi i le aiga o Carson. Talu ona omai i latou i lo outou tuaoi, o a latou mea e le o manaomia ua faapea ona faaputu ma oo mai i luga o lo outou fanua; ma o le atalii o Carson ua pau lana mea e fai o le faapologaina lea o oe i la outou vasega paiolosi (biology).

**Mau:** Mataio 5:38–48

**Tulaga suesueina 2** O Val ma Rob sa fuafuaina i le tele o masina sa laua malaga e fagogota i le tau mafanafana. I le 10:00 i le po, sa o laua siakiina a la mea fagota ma toe iloilo a la fuafuaga. O Val sa ia iloa e le i totogiina lona laisene fagota. Sa fuafua i laua e malaga i le 5:30 i le taeao e sosoo ai. O faleoloa uma mo lea faamoemoe faatoa tatalaina i le 7:30 i le taeao. Ona pau le isi fale e maua ai laisene fagota o le faleava o Tim o lo o matala seja oo i le vaeluaga o le po.

**Mau:** 1 Tesalonia 5:21–22

**GAOIOIGA I MAU** Ia tusia e le vasega a latou lava Tulaga Suesueina mo le Galuega 5:1–10 po o le Faaaliga 3:15–16. Tuuina atu le avanoa e fetufaai ai a latou taumafaiga ma le vasega.

**FAAIUGA** E mafai ona e faailoa atu pe faapefea ona fesoasoani le Feagaiga Fou ia te oe e foia ou faafitauli po o le taliina foi o se fesili. Faamalosi le vasega e faia a latou suesuega o le Feagaiga Fou o se mea fiafia i aso uma.

*Faaaliga i le faiaoga:* O le tala na tusia e Carole Garfield Seegmiller, "Our Family's Tape-Recorded New Testament" (*Ensign*, Jan. 1991, pp. 26–27) atonu e maua mai ai se isi fesoasoani faapoopo i le aoanina atu o le taua o le Feagiaga Fou.

#### FAAMOEMOEZA

Ia faamalamalama le tulaga faalelotu ma le faalemalo i le vaitaimi o le Feagaiga Fou

#### AO LE' I AMATAINA LE VITIO

AOTELEGA O lenei lesona ua iloa ai tulaga nei i le Feagaiga Fou:

- Mafuaaga e toatele ai Iutaia e le talaina Iesu o le Mesia
- Mafuaaga e feitagai ai tele Iutaia ma Samaria
- O ai le au Faresaio, Satukaio, ma le au tusiupu
- O le eseesege i le va o le tulafono a Mose ma le tulafono tuu gutu (o le tu ma aga a e matutua)
- O se vaaiga faigofie i tulaga sa i ai Roma i le taimi o le Feagaiga Fou.

TALANOAGA Amataina lau lesona i le fesili: "Pe na mafai faapefea ona teena e le toatele o tagata Iutaia Iesu o le Mesia ae anoanoai vavega na Ia faia?"

Faitau le tala moni lenei: "E le mafai ona faagaloina le mea na tupu i le aso na ou foi mai ai i lau misiona. Ina ua ou tuua mo lau misiona i Norway, o lou uso laititi sa i le vasega iva. Ina ua ou taunu i le malae vaalele sa ou savali atu ma ou pasiaina o ia. O foliga sa ou manatu e tatau ona foliga ai o ia ua matua eseese tele ma foliga ua ia foliga ai ma ua ou matua leiloaina ai o ia."

Fesoasoani i le vasega ia malamalama o le toatele o Iutaia e le i silafia po o ai Iesu ona sa latou manatu e ese se ituaiga o Mesia.

#### FAAAOGAINA O LE VITIO

Faatulagaina o le Feagaiga Fou 12:15

GAOIOIGA "VAAVAAI MO" Tau atu i le vasega e matamata i le vaega 1 ma sauni e faamatala po o le a le ituaiga o Mesia sa manatu i ai le toatele o Iutaia.

FAAALI VAEGA 1 O le vaega 1 (7:02) o le faatulagaina o talafou i se mekasini i totonu o Roma i le vaitaimi o le amataga o le Feagaiga Fou. O lo o faaalia ai le talitonuga o Iutaia e uiga i le Mesia faapea foi ma se faasalalauga e uiga i Iutaia ma Samaria.

TALANOAGA Pe a uma ona matamata i le vaega 1, toe ililo nisi o malamalamaaga sese sa ia Iutaia e uiga i le afio mai o le Mesia:

- Sa latou manatu o ia o se taitaiau malosi
- Sa latou manatu o lona afio mai muamua e mamalu
- Sa latou manatu o le a ia faasaoloto i latou mai o latou fili faalelalolagi

Fesoasoani i le vasega ia malamalama o i latou ua maua le agaga ua latou talia Keriso ina ua ia afio mai.

GAOIOIGA I MAU E mafai ona e faitauina faatasi ma lau vasega mau ia e faapupula ai le teena e Iutaia o Iesu o le Mesia. O i latou e pei o Peteru ma Simeona o ni faataitaiga o i latou ua maua le agaga ma talia o ia.

Mataio 16:13–17 O le toatele o tagata latou te le vaai ia Iesu o se Mesia. O Peteru e auala i le agaga o faaaliga, na ia iloa o Iesu lava o le Mesia.

Luka 2:25–24 O Simeona, i le mana o le Agaga Paia, sa ia iloa o le pepe o Iesu o le Mesia. Sa valoia o ia e Simeona.

Ioane 1:10–12 E toatele tagata e le i talaina Iesu o le Mesia.

Fesoasoani i le vasega ina ia malamalama, ao latou faitau i le Feagaiga Fou i lenei tausaga o le a latou iloa ni tulaga o tagata maualalalo ua talia Iesu o le Mesia faapea foi ma tulaga o tagata o teena o ia.

TALANOAGA Talanoaina le faasalalauga o le tusi mai le vaega 1. Tau atu i le vasega e manatunatu i faataitaiga o le va leaga o Samaria ma Iutaia. Toe ililo fesili sa lagaina i le faasalalauga; afai e moomia, fesoasoani i le vasega i tali.

- Aisea e feitagai ai Iutaia ma Samaria tusa lava pe aiga? (O Samaria e afa Israelu afa Tagata o Nuuese ona o le tele o i latou e omai i ni tuaa mai isi atunu na faatulagaina i ia vaega e tupu o Asuria ma Papelonie. O Iutaia latou te vaai ia i latou o ni tagata le lelei ona o lo latou tupuaga).
- Aisea e malaga ai ia Iutaia talitonu e faataamilio i Samaria tusa lava pe umi ai a latou malaga ma faigata? (Ona o lo latou lagona ita tele i Samaria, ia i latou, o le pai i le eleele o Samaria e faasalaina ai i latou).
- Aisea e tautuuai ai Samaria ma Iutaia i le faia o sauniga sese? (O le eseesege i le tulaga tau lotu fetauai i le taimi o Esara ma Neemia, ina ua le faatagaina e Iutaia Samaria e galulue i le malumalum. Sa amataina loa e Samaria lo latou malumalum i le mauga o Gerizim. Sa manatu Iutaia o le lotu ua fefiloi ma mataupu sese. O ia lagona i le va o ia veaga e luga e loloto ma ua faapea ona oo atu i augatupulaga e tele).

GAOIOIGA I MAU Ia faitau e le vasega ia mau ia ma faaaaoga o latou manatu fou agai i Samaria:

Luka 10:29–37 O le faataoto i le Samaria Agalelei

Ioane 4:3–9, 27 O Iesu sa talanoa i le fasine Samaria i le vai eli. Sa ofo ona soo ina ua ia talanoa ia te ia.

Galuega 1:8 Sa poloaiina e Iesu ona soo latou te folafola atu le talalelei i Iutaia, Samaria, ma "vaega mamao uma o le lalolagi."

GAOIOIGA "VAAVAAI MO" Tusi upu i luga o le laupapa upu ia: Faresaio, Satukaio ma le Au Tusiupu. Fesoasoani i le vasega ia malamalama e pei lava ona i ai eseesege i le va o Kerisiano (Katoliko, Metotisi, Papatiso), e faapena foi (ma o lo o i ai pea) eseesege i le va o Iutaia.

Fai atu i le vasega e matamata i le vaega 2 ma sauniuni e tali fesili ia:

- O a ni eseesege faalelotu i le va o Faresaio ma Satukaio?
- O le a le Tusiupu?
- O le a le eseesege i le va o le tulafono a Mose ma tulafono tuugutu (tu ma aga a e matutua)?

**FAAALI VAEGA 2** O le vaega 2 (5:13) o lo o faamatala ai le eseesege o le va o Faresaio, Satukaio, ma le Au Tusiupu. O lo o faalia ai foi le eseesege i le va o le tulafono tusitusia ma le tulafono tuugutu. Ma se faamalamalamaga puupuu o auala o femalagaaiga i le malo o Roma.

## PE A MAE'A LE VITIO

**TALANOAGA** Talanoaina tali o fesili o lo o taua i luga.

**GAOIOIGA I MAU** Fai atu i le vasega e faitau faatasi i vaega o mau o lo o taua ma sauni e ta'u mai pe faapefea ona avea o latou manatu fou e faateleina ai lo latou malamalama i vaega o mau.

**Mareko 7:1-13** O le Au Faresaio ma Tusiupu ua fesiligia Iesu ona ua le mulimuli Iesu po o ona sooo i "tu ma aga a

le au matutua." O Iesu sa tau atu ia i latou, e ala ia latou tu ma aga ua o latou faia ai le upu a le Atua ma mea noa.

**Luka 11:37-54.** Ua faatonuina e Iesu le Au Faresaio ma tusiupu ia latou galuega. Sa latou mananao e pueina o ia.

**Galuega 23:7-8.** O le au Satukaio sa faapea mai e leai se toetu, ae o le au Faresaio e talitonu i le toetu.

**GAOIOIGA I LE FAAFANUA** Faaaogaina le faafanua o le Malo o Roma ma saili igoa o atunu o ona po nei (e pei o Italia, Aikupito, po o Aferika). Faasino le tele o le malo o Roma. Ia latou faailoa mai Jerusalema ma faatusatusa le tele o le malo o Herota i le malo o Roma. Fesili, "O le a se eseesege sa i ai i le faatulagaina o le Feagaiga Fou i le malo o Roma? (O Iutaia sa i lalo o tulafono faa-Roma; o femalagaaiga sa faia ma le saogalemu, ma avea ma tulaga e faalauteleina ai galuega faatalai; o Roma sa tuu avanoa i tulaga faalelotu, ma faatagaina ai le sosolo o le talalelei.)

**FAAIUGA** Faamanatu i le vasega e faaaoga mataupu sa latou aaooina pe a latou fetaiai ma tulaga ia i lo latou fatauina o le Feagaiga Fou: o le teena e Iutaia o Iesu o le Mesia; Samaria ma tagata Samaria; Faresaio, Satukaio, ma tusiupu; o le tulafono a Mose ma tu ma aga a e matutua; ma le faatulagaina o Roma.

## 4 Feagaiga Fou

## TU MA AGA O LE FEAGAIGA FOU

### FAAMOEMOEGA

Ina ia faamalamalama aganuu ma tu ma aga o le taimi o le Feagaiga Fou.

Mo le Faiaoga: Talu ai ona o le tulaga ese o lenei lesona, e mafai ona e faalia vaega taitasi ao e aaooina vaega faatulagaina o mau e talafeagai i ai, aaoao lenei lesona i ni periota se lua, po o le aaooina foi i se periota se tasi.

### AO LE' I AMATAINA LE VITIO

Tau atu i le vasega o le a latou maua le avanoa e aaoao ai i aganuu ma tu ma aga o le taimi o le Feagaiga Fou mai vaega e sefulu ma le ono.

### FAAAOGAINA O LE VITIO

*Tu ma Aga o le Feagaiga Fou 10:21*

E FAAPEFEA ONA AMATA Ia faia gaoioiga nei ao le' i faaalia vaega taitasi o le ata:

- Faitau faatasi ma le vasega ia mau failogaina o lo o aveatu faatasi ma vaega taitasi ma faia fesili ua saunia.
- Faitau i le vasega fesili ma filifiliga o tali ma tuu se avanoa pe tasi i le lua minute i le vasega e vaai ai mo le tali sao e ala i le: (1) faitau otooto o le fuaiupu, (2) vaai o mau e fesootai po o le (3) siaki o le Lomifefilo i le Tusi Paia ma le Taiala i Mataupu.
- Fai i le vasega e filifili le tali ua manatu e sao.
- Fautua i tamaiti e vaavaai mo le tali sao.

Faia gaoioiga nei pe a maea vaega taitasi o le ata:

- Faailoa le tali sao (o lo o vaseina).
- Talanoaina nisi tulaga faaopoopo o le aganuu sa faaalia i le vaega o le vitio. Faamalamalama se tulaga ua foliga ua misi e le vasega. Ia e saoloto e faalauteleina le mataupu. Faatulaga le isi vaega o le ata ma le vasega.

*Manatua:* E mafai ona maua nisi faamalosiau mo le vasega e ala i le faia o ni tog i mo lenei gaoioiga. E mafai ona faia lea tulaga taitoatas i po o ni vaega.

**Mataio 3:12** O le a le ituaiga o asu o lo o faatatau i ai le tala a Ioane le papatiso? (a) O se tui e faaaogaina e mo le asuina o vao a manu. (e) Po o se ili e tapili ai foliga ia malu. (i) Po o se tafuna'i e faaaoga mo le amataina o se afi.

**FAAALI VAEGA 1.** (:48) Pe a uma ona faaalia le vaega o le ata, tuuina atu loa tali i le fesili ma talanoaina, e pei ona faamatala atu i luga.

**Mataio 23:5** O le a le uiga o le "faalautele o latou filateri ma faatetele tuupao o o latou ofu"? (a) Ia faaopoopo le mamafa ina ia mafai ona iloa gofie. (e) Ia foliga e sili atu le amiontonu i lo isi. (i) Ia faateleina o latou tulaga faalelalolagi i totonu o le aai.

### FAAALI VAEGA 2 (:59)

Mataio 25:1-4 Aisea e aumaia ai e se valaaulia se isi fagu suauu i le faaipoipoga? (a) Ona o moli e na o le tai lima

minute o suauu. (e) O nisi taimi e faatalitali le au valaaulia i se taimi umi mo le faatoafaiava. (i) O valaaulia taitasi e foai atu le afa o a latou suauu e fai ma meaalofa i le faatoafaiava ma le faatoanofotane.

#### **FAAALI VAEGA 4 (:37)**

Mareko 15:25 O le a le taimi o le aso o le itula e tolu? (a) E tusa o le 3:00 AM. (e) E tusa o le 3:00PM. (i) Tusa o le 9:00AM.

#### **FAAALI VAEGA 5 (1:06)**

Luka 4:18, 28–29 Aisea na taumafai ai le au Iutaia e fasioti Iesu ina ua ia saunoa mai o ia lea ua faauuina e folafola le talalelei? (a) Sa manatu Iutaia e mafai ona latou aoaoina le talalelei e pei lava o Iesu. (e) O lona uiga o Iesu o le Mesia. (i) O se atalii o se kamuta e le mafai ona faauuina e talai.

#### **FAAALI VAEGA 6 (:34)**

Luka 10:4 O le a le ato ma le tusi? (a) O le ato e tuu ai tupe ma le ato e tuu ai meaai. (e) O le ato e tuu ai tupe ma le seti o tusitusiga paia. (i) O mea manaomia ma lesona tusitusia a faifeautalai.

#### **FAAALI VAEGA 7 (:23)**

Luka 10:13 Aisea na laeiina ai e Iutaia le ie talatala pe a latou salamo pe faanoanoa? (a) Latou te le mananao e faaleagaina lavalava lelei. (e) O se faailoga o le loloto o lo latou faanoanoa. (i) O se faailoga o le tuuina o a latou agasala i se taga ma aveeseina ai.

#### **FAAALI VAEGA 8 (:26)**

Luka 17:12–14 Ina ua maea ona faamaloloina le lepela, aisea na tatau ai ona alu le lepela e vaai le ositaulaga? (a) O Lepela e tatau foi ona salamo i le le o i le lotu mo se taimi umi. (e) O ofu o le lepela e tatau ona susunuina e le ositaulaga. (i) O le ositaulaga e tatau ona faia se sauniga e mafai ai ona toe faatagaina le lepela i le aai.

#### **FAAALI VAEGA 9 (:49)**

Ioane 9:22 Aisea sa popole ai matua o le tauaso ina ua taofia i fafo o le falelotu? (a) Sa mananao i laua e faatasi ma la laua tama i taimi o ona manaoga. (e) Sa le

mananao i laua e faasalaina i laua mo mea sa faia e la laua tama. (i) E le i mananao i laua e aveeseina o la igoa mai le falelotu.

#### **FAAALI VAEGA 10 (:35)**

Ioane 10:1 O le a le lotoa mamoe? (a) O se nofoaga e faatautui ai mamoe (e) O le nofoaga e tuu ai mamoe i le po. (i) O se fale e faaaogaina e leoleo mamoe.

#### **FAAALI VAEGA 11 (:35)**

Ioane 10:14–15 E faapefea ona tuu eseeseina e le leoleo mamoe ana mamoe mai i isi mamoe o le lafu? (a) E iloa e le leoleo mamoe i le lanu o le maea sa ia nonoaina i o latou ua. (e) O leoleo mamoe taitasi e i ai ni taifau lelei e vaaia mamoe. (i) O le leoleo mamoe e valaau i ana mamoe ma omai.

#### **FAAALI LE VAEGA 12 (:23)**

Ioane 13:23–25 Ao faia le Tausamaaga Mulimuli, aisea na faalagolago ai Ioane i le fatafata o Iesu? (a) O se faailoga o lo o talanoa i le loto. (e) O se vaega o le tausamaaga o le Paseka, faailoga o le fatafata o Aperaamo. (i) O Ioane sa taumafa i tafatafata tonu o le Faaola i le tausamaaga.

#### **FAAALI VAEGA 13 (:48)**

Galuega 13:5 Aisea e faataga ai e Iutaia se tagata ese e pei o Paulo e talai atu i o latou falelotu? (a) O Paulo e foliga Iutaia. (e) Sa manatu Iutaia o Paulo o se faifeau Iutaia aua sa laei e pei o se tasi o i latou. (i) O le faapotopotoga sa faatagaina e auai i sauniga.

#### **FAAALI VAEGA 14 (:29)**

Kalatia 3:24 O le a le ta'ita'itama? (a) O se faiaoga. (e) O se tagata aoao faapitoa e fesoasoani e tausia se tama. (i) O se supavaisa o nisi faiaoga.

#### **FAAALI VAEGA 15 (:25)**

1 Peteru 1:13 O le a le uiga o le “fusi ae i sulugatiti”? (a) Tuu i totonu pito o lou ofu ina ia faigofie ona faia galuega. (e) Faamau lou fusipau. (i) Sulu se ie mamoe i ou sulugatiti.

#### **FAAALI LE VAEGA 16 (:38)**

**FAAMOE MOEGA**

Ia faaalia le taua o le faatuatua i le faamaloloina o le tino ma le agaga

**AO LE'I AMATAINA LE VITIO**

**MALAMALAMAAGA I MAU** Ia faitau e le vasega le Mataio 9 ma lisiina gasegase o le tino sa faamaloloina e Iesu. Fesili i le vasega e faamalamalama mai le uiga o le upu atoa e pei ona faaaogaina i le fuaiupu 12. (O lona uiga o le “manuia”). Ia faatusatusa e le vasega le fuaiupu 12 agai i le fuaiupu 22 ina ia faamalosia le manatu o le atoatoa o lona uiga o le soifua maloloina po o le faamalologa. Lisiina nisi o faaletonu e mafai e le Alii i le avea o se “fomai”, ona foia. (Mafaufau leaga, f.4; agasala, f.13; faaoleole ma le le talitonu, f.24).

Tuuina atu fesili nei:

- Aisea e te manatu ai ua tuu e Mataio lona lava valaauga o se Apostolo i le vaega o le tusi ua faapitoa mo faamalologa?
- O le a le galuega a Mataio?
- E faapefea ona avea lona tu mai i tulaga tau lafoga e faatusatusa i se tagata ua tulai mai i le moega o faigata?

**MALAMALAMAAGA I MAU** Faitau faatasi ma le vasega le Luka 17:11–19. Ia makaina e i latou le fuaitau “ua faamamaina i latou”, faamamafa le aveesea o le faamai mai i lepela e sefulu i le fuaiupu e 14. Ia makaina foi e i latou le fuaitau “o lou faatuatua ua e atoatoa ai” i le fuaiupu e 19. I le lepela sa faaalia le faatuatua i le toe foi ma tuuina atu le faafetai ua maua ai le faamalologa lelei faaleagaga. Ua faamamaina e Iesu lepela e toasefulu ae na o le Samaria na toe foi ma le agaga faafetai i le Atua sa faamaloloina atoa i le tino faapea ma le agaga.

**UPUSII** Faailoa atu le upusii lenei mai ia Peresitene Harold B. Lee: “O le vaega sili ua ou iloa i nei aso e le o le faamaloloina o tino mama'i, ae o le vavega sili ua ou iloa o le faamaloloina o i latou ua gasegase i le loto ma le agaga ma ua vaivai ma faaletonu.” (Ripoti o le Konafesi Aperila, 1973, p 178; po o le Ensign, Iulai 1973, p 123).

**FAAAOGAINA O LE VITIO**

“O lou Faatuatua Ua e Atoatoa Ai” 16:17

**GAOIOIGA “VAAVAAI MO”** Faamalosia le vasega e vaai mo auala e manaomia ai e le aiga o Lyman le faamalologa faaletonu ma le faaleagaga.

**FAAALI VAEGA 1** Vaega 1 (7:45) O lo o faailoa mai ai le aiga o Lyman ma nisi o luitau o lo o o latou fetaiai. O le tina o Peti o lo o i le falemai o lo o tigaina i se faama'i e taufao ai le mai ma le magalo. O lona toalua o Paulo ua matua mamafatu ia te ia le mai tigaina o lona toalua ma lana fanau talavou e toalua. O Brent ma Alicia o le fanau talavou ua faapea ona omia i le ogatotonugalemu o nei faigata faaleiga.

**GAOIOIGA I LE LAUPAPA** Faatasi ai ma le fesoasoani a le vasega, ia lisiina i luga o le laupapa faafitauli o tagata taitoatasi o le aiga (O Peti le tina: tulaga leaga o le soifuamaloloina; Paulo le tama: le mautonu ma le le

talitonu; Brent: lagona le agavaa; Alicia: lagona le lē alofagia ma le tausalaina.)

**MALAMALAMAAGA O LE FAIAOGA** O tulaga faaletonu o le tino e faigofie ona iloa. O faaletonu faaleagaga e tele lava ina le iloa. Ae peitai, e i ai o tatou faaletonu faaleagaga ma e manaomia le omai i le Faaola mo le faamaloloina. Faaaoga le mau lenei e fesoasoani e faavaeina ai lenei tulaga: Isaia 53:5; Mataio 13:15; 2 Nifae 25:13; 3 Nifae 9:13.

**TALANOAGA** Filifili ma le vasega po o a ni tulaga faaalia o le faatuatua e manaomia le faia i olaga taitasi o tagata o le aiga o Lyman ina ia faamaloloina—ina ia atoatoa ma manuia.

Ia tuuina atu fesili nei:

- Afai e ola le tina, o le a le aafiaga e ono tupu mai i isi tagata o le aiga ona o lona faamaloloina o lona tino.
- Afai e maliu o ia, pe i ai se eseesege o lea aafiaga?
- O le a se mea e fuafua i ai le eseesege?

Mo le faiaoga: O le tele o taimi e tulaga faaletonu le vasega pe a maliliu tagata pe a tuuina atu i ai se faamanuiaga. Fesoasoani atu ia i latou ia malamalamalama o nisi tagata e le maloloina faaletonu ona e le lava lo latou faatuatua. O nisi e le malolo ona masalo e i ai se isi mafuaaga e tatau ona faataunuina, pe na ua faataunuina le misiona a le tagata i luga o le fogaeleele. O nisi taimi o le maliu ma isi faosoosoga e oo mai ona o se vaega o lenei olaga (tagai i le tusi a Spencer W. Kimball o le Faalavelave po o le Taunuuga? [Salt Lake City: Deseret Book Co, 1977], pp.5–6). I le tele o tulaga, o le talia o le maliu o se tulaga o le faatuatua, aua tatou te le iloa le mafuaaga.

**GAOIOIGA “VAAVAAI MO”** Tau atu i le vasega e vaavaai mo le atinaeina o le faatuatua i tagata o le aiga o Lyman.

**FAAALI VAEGA 2** O le vaega 2 (8:32) o lo o faailoa mai ai le tofotofoina o le aiga o Lyman i o latou tulaga.

**PE A MAE'A LE VITIO**

**TALANOAGA** Talanoaina le atinaeina o le faatuatua o tagata o le aiga o Lyman. O le a le tulaga ua foliga mai ai ua i ai se eseesege i tagata taitoatasi o le aiga?

**MALAMALAMAAGA I MAU** Toe iloilo le tala o lo o i le Mareko 5 i le faamaloloina o le afafine o Iairo. Ia faailogaina e le vasega ma sueina tulaga faaalia o le faatuatua o le tama (vaai v.v. 22–24).

**FAAIUGA** Tuuina atu le faamatalaga lenei e uiga i le Mareko 5:23, na saunoa i ai Elder Howard W. Hunter: “O nei upu, e le na o ni upu faatuatua o se tamā ua saeia e le faanoanoa, ae faapea foi le avea ma faamanatu ia i tatou e soi se mea e tuuina atu i ai e Iesu ona aao, e ola. Afai e faapaia e Iesu le faaipoipoga, e ola. Afai e faatagaina o ia e tuuina ona aao i luga o se aiga, e ola pea i latou (in Conference report, Oct 1979, p 93; po o le Ensign, Nov 1979 i. 65). Talanoaina auala e mafai ai e tamaiti ona faaalia le faatuatua ma faatagaina ai le Alii e faaatoatoaina i latou.

**FAAMOEMOEAGA**

Ia fesoasoani i le vasega ia malamalama ma faaaogaina faataoto i o latou olaga.

**AO LE'I AMATAINA LE VITIO**

LESONA FAATINO Ia faatusatusa e le vasega se mea faitino (e pei o le penitala) ma se mataupu faavae o le talalelei (e pei o le salamo). Fesili, “O le a le upu e faaaogaina pe a faamatalaina e Iesu se tala ma faatusatusa i se mataupu moni o le talalelei?” (vaai Mareko 4:34). Fautua atu sa i ai taimi sa na o faataoto lava na faaaoga e le Faaola e aoao atu ai.

**FAAAOGAINA O LE VITIO**

Faataoto 12:44

**FAAALI VAEGA 1** Faaali le vaega 1 (15) e aunoa ma le tuuina atu o se talaaga. Masalo o le a le iloa e le vasega meaola o lo o faalafi i o latou siosiomaga.

**TALANOAGA** Tuuina atu i le vasega e faailoa mai mea sa latou vaai i ai (o lala laau ma le alititai).

**FAAALI VAEGA 2** Vaega 2 (21) o le toe faaalia lea o le vaega 1 ae o le taimi lenei ua gaoioi meaola, ma ua mafai ona iloa ai.

**TALANOAGA** Talanoaina pe aisea sa faigata ai ona iloa meaola i le vaega 1 ae faigofie ona iloa i le vaega 2. (Sa natia i latou i o latou siosiomaga). E pei o le natiaina o meaola, o se tasi mafuaaga na aoao ai le Faaola i le faataoto ina ia natia le uiga moni.

**MALAMALAMAAGA I MAU** Fesoasoani i le vasega ia malamalama i le Mataio 13:13 ma le faaupuga “latou te vaai ae le iloa; ma faalogo ae latou te le lagona.” O i latou e maua i le agaga ma malamalama i mataupu faavae o le talalelei o le a malamalama, ao isi, e le naunau e talia aoaoga a Keriso, ua faalogo i latou i le na o se tala.

**GAOIOIGA “VAAVAAI MO”** Ia vaavaai le vasega mo ni auala se tolu o le a fesoasoani ia i latou e malamalama ai i faataoto.

**FAAALI VAEGA 3** O le upu faataoto o se upu Eleni i le amataga ma o lona uiga “o le faatulagaina i autafa o le

isi” po o se faatusatusaga. Vaega 3 (12:08) o lo o faailoa ai auala e tolu e mafai ona faaaogaina e le vasega e fesoasoani ia i latou i le faia o le faatusatusaga.

**PE A MAE'A LE VITIO**

**TALANOAGA** Faailoa ma talanoaina auala e tolu mo le malamalama i faataoto. Ao faia le talanoaga e mafai ona faaaoga isi faataoto e ono i le Mataio 13 e faataitai ai o se vasega. Taumafai e agai atu i se tulaga e faaaoga ai na o le vasega pe a alualu i luma lo latou iloa.

**OTOOTOGA** O le otootoga lenei o lo o faaalia ai auala e tolu e mafai ona fesoasoani i le vasega ia malamalama i faataoto:

1. Faatulaga le faataoto
  - a. Mea faitino po o ni tagata
  - e. Gaoioiga (taga)
  - i. Faaiuga o gaoioiga (taga)
2. Saili ni faailoilo
  - a. Faaupuga “E pei o le”
  - e. Faamatalaga o le talaaga
    - 1) O le a se tulaga po o se fesili na mafua ai faataoto? (Vaai Luka 15)
    - 2) O ai na faia i ai le faataoto? Faapei i tulaga o tagata? (Vaai Luka 10:25–37).
3. Faia le faatusatusaga
  - a. Tusia i lalo faatusatusaga na maua mai i faailoilo.
  - e. Fesili e uiga i le va o tagata, mea faitino, gaoioiga ma faaiuga.

**FAAIUGA** Fesoasoani i le vasega ia faaaoga faataoto i o latou lava olaga e ala i le tuuina atu o fesili e pei ona taua:

- O le a se sauniga e tatau ona ou malamalama ai mai i lenei faataoto?
- O ai le tagata i le faataoto ou te sooi ai?
- O le a le mea o lo o tau mai e le faataoto ia te au ina ia ou faaleleia ai?

## 7 Mataio 21

**O LE AMIOTONU MA LE ALOFA**

*Mo le Faiaga:* Saili le fesoasoani a le Agaga ao e aoaoina le vaiaso mulimuli o le soifuaga o le Faaola mai le Mataio 21–28. Manatua le folafolaga a le Alii: “O le Agaga o le a tuuina atu ia te outou e ala i le tatalo o le faatuatua” (MFF 42:14). O le a e iloa foi le aoga o fautuaga nei:

1. O le vasega e tatau ona iloa ma malamalama i aoaoga faavae e o faatasi ma le Togiola (Ua auina atu faatasi fesoasoani o aoaoga faavae ma lenei lesona.)
2. E tatau ona i ai i le vasega le malamalama lelei i mea na tutupu o se vaega o le taulaga togiola a le Faaola.

(Tagai i le tulaga masani o aoaoga).

3. E tatau ona faalogoina e le vasega se lagona loloto o le ofo, agaga faafetai, alofa ma le naunautai mo le Faaola ma le Tama. (Tagai i le lesona 9 i le taiala o le vitio, “I Lenei Itu Sa Ou Fanau Ai.”)

O fautuaga nei i le ala e faaaogaina ai nei risosi i se faatulagaga mo aso taitasi po o vaiaso foi.

**ASO TAITASI:** Aso 1, aoao aoaoga faavae i le faaaogaina o tusitusiga paia, o lenei taiala o lesona, ma

lesona i le vitio 7, "Amiontu ma le Alofamutimutivale." Aso 2–4, aoao mea tutupu i le faaaogaina o tusitusiga paia ma tulaga masani o aoaoga. Aso 5, aoao i lagona, i le faaaogaina o tusitusiga paia, taiala o le lesona 9, ma le lesona i le vitio 9, "I lenei Itu Sa Ou Fanau Ai."

**FAA-LE-VAIASO:** Vaiaso 1, aoao aoaoga faavae i le faaaogaina o tusitusiga paia, o lenei taiala o lesona, ma le lesona i le vitio 7, o le "Amiontu ma le Alofamutimutivale"; ia faapea foi ona faailoa atu mea e tutupu. I le va o vaiaso e tatau i le vasega ona tulimatai i mea e tutupu. Vaiaso 2, aoao i lagona, i le faaaogaina o tusitusiga paia, taiala o le lesona 9, ma le lesona i le vitio 9, "I Lenei Itu Sa Ou Fanau Ai."

## FAAMOE MOEGA

Ina ia fesoasoani i le vasega ia malamalama lelei i aoaoga faavae o le Togiola ma le vaega o le Togiola i le ata o le faaolataga.

## AO LE'I AMATAINA LE VITIO

GAOIOIGA I LE LAUPAPA Fesili, "O le a le taua o mea tutupu o le vaiaso o le taulaga o le Togiola (o le ulu atu i le manumalo e ala i le toetu) i le au tusi upu o le Talalelei? la tusia "O le vaiaso mulimuli" i luga o le laupapa. La faitau e le vasega le aofai o itulau na faaaogaina i tusitusiga i le Talalelei?"

Mataio 21–28 (18 itulau)

Mareko 11–16 (11 itulau)

Luka 19–24 (13 itulau)

Ioane 12–21 (17 itulau)

Aofai o itulau: 59 itulau

Fesili, "O le a le pasene o le Talalelei ma le Feagaiga Fou o lo o faaalia mai e lenei tulaga?" Tusia foi ia pasene i luga o le laupapa:

O le Talalelei: 33 pasene  
Feagaiga Fou: 15 pasene

Faamalamalama o Iesu sa soifua mo le 33 tausaga (e sili laitiiti lava ma le 1700 vaiaso). Fesili i le vasega pe aisea ua latou manatu ai o tusitala o tusi o le Talalelei o le a tuuina atu atoatoa le tasi vaetolu o a latou tusitusiga i se vaiaso e tasi. Tau atu ia i latou, i le vaiaso a sau o le a o latou aoao i mea na tutupu i le vaiaso mulimuli o le Faaola e faatasi ai ma le pe faapefea ona fetaui le Togiola i le tulaga atoa o le ata o le faaolataga.

## FAATULAGAINA O AOAOGA MA LE TALANOAGA

I le faaaogaina o mau o lo o ta'ua, ia faamanino tulaga nei ma lau vasega.

Mo le faiaoga: Lesona 4–7 i le Taiala Mo le Faasalalauga o le Feagaiga Tuai i le Vitio o le a maua ai ni fesoasoani taura i le aoaoina o nei mataupu:

1. O le galuega ma le mamalu o le Atua o le "faafuina tagata i le tino ola pea ma le ola e faavavau" (Mose 1:39). O le Ola e Faavavau o le ola a le Atua (vaai MFF)

19:10–12; Ioane 17:3). O lona uiga e ola faatasi ma le Atua ma pei o Ia.

2. Ina ia avea e pei o le Atua, sa o tatou tuua ai lona afioaga ma faamaonia pe mafai ona tatou toe foi atu ia te Ia (vaai i le Aperaamo 3:24–25).

3. O le pau o Atamu ma Eva o se vaega taua ma le moomia o le ata o le faaolataga (vaai Roma 5:12; 1 Korinito 15:22).

4. E ui o le pau e tatau mo i tatou, ae ua tuuina ai i tatou i se tulaga maaleale e tusa ma tuutuuga o lo tatou faaolataga (vaai Roma 3:23; Efeso 5:5; Mose 6:57).

5. Sa filifilia e le Tama lona Alo pele e toatasi ao le i faavaeina le lalolagi e avea ma o tatou Faaola ma Togiola (vaai Ioane 3:16; 1 Peteru 1:18–20).

6. Talu ai ona o le Togiola ua mafai ona o tatou toe foi e faatasi ma le Atua ma pei o Ia (Mataio 5:48; Roma 8:17).

## FAAAOGAINA O LE VITIO

*Amiontu ma le Alofamutimutivale 6:00*

**FAAALI VAEGA 1.** Vaega 1 (3:33) o lo o i ai se faamalamalamaga puupuu o le amiontu o le Atua.

**TALANOAGA I LE LAUPAPA** Pe a uma ona maimoaina le vaega 1, fesili i le vasega i mea sa latou aoaoina e uiga i le amiontu o le Atua. Lisiina i luga o le laupapa tulaga faaalia ia o le Faaola:

Fesili i le vasega pe faapefea ona avea tulaga paia o le Faaola ma mea ua tulaga ese ai o Ia ma ese mai ai i tagata uma.

## NATURA TULAGA ESE O IESU

*Tama a Maria (Failetino)*

*Alo o Elohim (Paia)*

1. E oo ia te Ia le oti

1. Malosi e manumalo ai i le oti

2. E mafai ona ia lagona tiga

2. E mafai ona gafatia tiga e le uma

3. E oo ia te ia faaosoosoga.

3. Soifua Atoatoa

**FAAALIA VAEGA 2** Ao maimoaina e le vasega le vaega 2 (2:27) fautua i ai e vaai mo ni auala ua avea ai ia tulaga ese e fesoasoani i le Faaola e faamalieina le amiontu ma le alofa o le Atua.

## PE A MAE'A LE VITIO

**TALANOAGA** Faitau faatasi ma le vasega le Alema 42:15 ma fesili ia i latou pe faapefea ona faatinoina le fuafuaga o le alofa. (O le Faaola, e ala i le Togiola, ua faataunuuina ai le manaoga o le amiontu). Faitau le Alema 42:25 ma talanoaina pe aisea e le mafai ai e le alofa ona aveeseina le amiontu. O le a le mea o lo o finagalo le Faaola tatou te faia e agavaa ai i tatou mo lona alofa? (Ia i ai le faatuatua ia te Ia ma lana togiola ma salamo ia tatou agasala).

**FAAMOEMOEWA**

Ina ia faamalosia le malamalama o le vasega i le sootaga o le manatuaaina o le taulaga a le Faaola ma le naunautai e tausia ana poloaiga.

**AO LE'I AMATAINA LE VITIO**

**TALANOAGA** Ia lisiina e le vasega ni mea taua sa tutupu i le tausamaaga mulimuli (e pei o le amataina o le faamanatuga, o le mulumuluina o vae o le au Aposetolo, ma le valoia o le faafiti a Peteru). Faamalamalama o lenei lesona o le a faaautu i le tele o mea taua sa tutupu i le tausamaaga mulimuli.

Tuuina atu fesili nei:

- Aisea na i ai Iesu ma ona Aposetolo i Ierusalema? (E faamanatuina le tausamaaga o le Paseka).
- O le a le taua o le tausamaaga o le Paseka?

**GAOIOIGA I MAU** Ia faitau e le vasega le Luka 22:1–20 ma sailia tali i fesili nei:

- O le a ni uiga faaalia o le au ositaulaga ma tusiupu agai ia Iesu i le taimi o le tausamaaga o le Paseka? (Sa mananao i latou e fasioti ia te Ia).
- O a ni uiga masani o tagata agai ia Iesu? (E le i ai se fasioti tagata i o latou loto ia Iesu).
- O le a se mafuaaga sa tuuina mai e le Faaola mo le faamanatuga? (Ia faia o se faamanatuina o Ia.)
- Aisea e te manatu ai e taua le manatua o le taulaga a le Faaola? (Tuuina atu le avanoa mo tali a le vasega).

**FAAAOGAINA O LE VITIO**

*O le Faamanatuga 11:32*

**GAOIOIGA "VAAVAAI MO"** Tau atu i le vasega o le a fesoasoani le vitio ia i latou ia malamalama i le mafuaaga e taua ai le manatuaaina o le taulaga a le Faaola.

**FAAALI VAEGA 1.** I le vaega 1 (7:11) sa mananao matua o Ioane mo la laua fanau e faateleina aoaoga. Sa malilie i latou o se aiga e faaputuina faatasi ni a latou tupe faasili i se fagu. Ina ua alu ese atu Ioane i aoaoga sa ia iloa le faigata o le aoga ma mafaufau loa e faamutaina. Sa ia vaai loa i le fagu ma avea o se mea faamanatu ia te ia taulaga a lona aiga sa faia mo ia.

**TALANOAGA** Fesoasoani i le vasega ia iloa le sootaga o le manatuaaina o le ositaulaga ma le faataunuina o se tautinoga. Fesoasoani ina ia latou iloa o i latou e manatuaaina lelei le osigataulaga a Iesu, e sili atu foi lo latou naunautai e tausia a latou feagaiga o le papatisoga. E pei lava ona avea se fagu faatauvaa o se faamanatu ia Ioane i le osigataulaga a lona aiga, e faapena foi ona avea le falaoa ma le vai o ni faamanatu ia i latou i le osigataulaga a le Faaola. O fesili nei e mafai ona fesoasoani i lau vasega ia malamalama i le ogatasi o le vitio ma le faamanatuga.

• O le a le mea na taofia le alii talavou i le aoga ina ua ia manao e faagataina? (Masalo e faaosooosina le vasega e faapea mai o le fagu na taofia Ioane i le aoga. Faamanatu ia i latou o le manatuaaina o le taulaga a lona aiga na taofia ai o ia i le aoga; o le fagu ua na o se faamanatu vaaia o la latou taulaga).

- E i ai se sootaga i le manatuaaina o se taulaga a se tasi ma le tausia o se tautinoga? (O le tele o lo tatou manatuaaina o le taulaga a se isi, o le tele foi lena o lo tatou naunau e tausia a tatou tautinoga ia te ia).
- E fesoasoani faapefea le vitio ina ia tatou malamalama i le taua o le manatuaaina o le taulaga a le Faaola? (Afai tatou te manatuaaina le mea na taulagaina e le Faaola mo i tatou, o le a tatou naunau atili foi e tausia a tatou tautinoga na tatou faia ia te ia.)
- O a ni tautinoga sa tatou faia ma le Faaola? (Vaai MFF 20:77, 79).
- O le a le mea e tutusa ai le fagu ma le faamanatuga? (O ia vaega uma o ni faamanatu faitino o le taulaga).
- O le a le lelei o lou manatuaaina o le taulaga a le Faaola pe a e tagofia le faamanatuga?
- O a mea e mafai ona faalavelave ia te i tatou mai le manatuaaina o le Faaola i le taimi o le faamanatuga?

**GAOIOIGA "VAAVAAI MO"** Fai atu i le vasega e vaai mo mea sa faia e le autalavou i le vaega 2 sa fesoasoani ia i latou e manatua ai le Faaola i le taimi o le faamanatuga.

**FAAALI VAEGA 2** Vaega 2 (1:31) o lo o i ai molimau a le autalavou o lo o talanoa mai i mea latou te faia i le taimi o le faamanatuga e fesoasoani ia i latou e tumau ai lo latou manatu i le Faaola.

**TALANOAGA** Talanoaina mea e mafai ona tatou faia e manatua ai le Faaola i le taimi o le faamanatuga. Fesoasoani i le vasega ia malamalama e faaaluina foi le taimi e manatua ai le Faaola ma lana taulaga. Afai tatou te aoao e manatua pea le Faaola, o le a faateleina la tatou tautinoga e tausia ana poloaiga.

**GAOIOIGA E PULE OE PE FAI** O le vaega 3 e pule oe pe fai, ma e mafai ona faaaoga o se sauniuniga mo lotu molimau a le vasega po o se aotelega i le lesona.

**VAEGA 3** Vaega 3 (2:50) o ni vaega eseese o vaaiga i le soifuaga o Iesu, o le tausamaaga mulimuli, ma le sauniga faamanatuga faa-onapo nei.

**PE A MAE'A LE VITIO**

Tuu se lu'i i lau vasega ia manatua pea le Faaola ma lana taulaga mo i latou.

*Mo le Faiaoga:* Tagai i le faamatalaga i le amataga o le lesona 7 mo se fesoasoani faaopoopo i le aoaoina o lenei lesona.

### FAAMOEMOEAGA

Ina ia fesoasoani i le vasega ia latou maua se faalogona o le ofo, faafetai, alofa, ma le naunautai mo le Faaola mo mea sa la faia mo i tatou.

### AO LE'I AMATAINA LE VITIO:

**GAOIOIGA I MAU** Ina ia saunia le vasega mo le vitio ma le talanoaga o lo o mulimuli mai, ia talanoaina faapuupuu mau nei ma mataupu o lo o aoaoina mai ai:

**Ioane 14:31** E alofa tele Iesu i le Tama ma ua Ia naunau e faia soo se mea e poloaiina ai o ia e le Tama, e oo lava i le tuuina atu o lona ola.

**Ioane 10:18** E leai se isi e i ai le malosi e aveeseina ai le soifua o Keriso; sa ia finagalo lava e tuuina lona ola mo i tatou.

**Ioane 10:17** E alofa le Tama i lona Alo ona o lona finagalo malie e foaiina lona ola.

**Ioane 15:12–13** E alofa tele Iesu ia i tatou ua ia tuuina mai ai lona soifua mo i tatou.

**Ioane 3:16** E alofa tele lo tatou Tama Faalelagi ia i tatou ua ia tuuina mai ai lona Alo pele e toatasi ina ia faaolaina i tatou.

**Ioane 13:34–35; 14:21** Tatou te faaalia lo tatou alolofa i le Tama ma lona Alo e ala i le tausia o a la tulafono ma alofa le tasi i le isi.

### FAAAOGAINA O LE VITIO

*“I Lenei Itu Sa Ou Fanau Ai” 27:00*

**GAOIOIGA “VAAVAAI MO”** Fai atu i le vasega e vaavaai mo ni eseesega o lo o faaalia i le vitio (e pei o le tali atu a Iesu ma tuuaiga a e na molia o ia; i le va o Pilato le kovana, ma Iesu le Tupu.) Ia mautinoa ua lava se taimi e faaali ai le vitio ma faia gaoioiga e toe tulitatao ai.

**FAAALI LE VITIO** O le lesona faavitio ua fuafuaina ina ia fesoasoani i lau vasega ia maua se lagona o le ofo, alofa, ma tautinoga mo le Faaola ma lana taulaga.

### PE A MAE'A LE VITIO

**GAOIOIGA** O mea nei ua na o ni fautuaga. Ia taitaiina oe e le Agaga ao e filifili pe faapefea ona fesoasoani i lau vasega ia lagonaina ni mea e uiga i le Faaola.

1. Faitau pe usuina “Ou Te Tu Ma Ofo” (Viiga, nu. 107) po o le fuaiupu tolu o le “Ua Sili Oe” (Viiga, nu 46).
2. Tuuina atu i lau vasega se taimi e mafaufau loloto ai ma toe tepa i o latou lagona e uiga i le Faaola pe a uma ona faaali le ata.
3. Tuuina atu molimau po o le a le uiga o le Faaola ia te oe.
4. Valaaulia lau vasega e tuuina atu a latou molimau e uiga i le Faaola.
5. Ia tusia e le vasega o latou lagona e uiga i le Faaola.
6. Faitau faatasi le Omina 1:26 ma fesili atu i le vasega po o le a le mea e mafai ona latou faia e omai ai i le Faaola.

## 10 Ioane 21

### “FAFAGA I AU MAMOE”

### FAAMOEMOEAGA

Ia uunaia le vasega e faamuamua le Alii i o latou olaga.

### AO LE'I AMATAINA LE VITIO

**GAOIOIGA I MAU** Ia faitau e le vasega le Ioane 21:1–15 ma tuuina atu fesili nei:

- Aisea na o ai Peteru ma isi soo e fagogota? (vaai le fuaiupu 3.)
- E faafia ona asiiasi Iesu i le au soo ina ua maea lona toetu? (vaai fuaiupu 4.)
- O le a sou manatu i le mafuaaga o le asiiasi o Iesu i ona soo i lea taimi? O le a sou manatu i se lagona na oo ia Peteru ina ua fesili Iesu ia te ia, “Pe sili ea lou alofa mai ia te au i lo o mea nei?” (vaai fuaiupu 15.)

### FAAAOGAINA O LE VITIO

*“Fafaga I Au Mamoe” 11:47*

**GAOIOIGA “VAAVAAI MO”** Ao maimoaina e le vasega le vaega 1 fautua i ai e mafaufau po o le a sa latou faaiuga e ono faia pe a tuu i latou i le tulaga o Davy ae aisea foi.

**FAAALI VAEGA 1** Vaega 1 (3:45) o se tala e uiga i se alii talavou sa mafaufau mamaafa i se faaiuga pe talia le valaaulia e auai i se tauvaga tamoe aoao. O lana tautinoga e manaomia ai o ia e auai i Aso Sa ma o le a afaina ai lona auai i sauniga ma ona tiute, faapea foi ma le tausia o le Sapati ia paia.

**TALANOAGA I LE LAUPAPA** Talanoaina pe faapefea ona avea faafitauli o Davy o se faataitaiga o le “Pe sili ea lou alofa ia te au i lo o nei mea?” (Ioane 21:15) ma pe aisea. Tusia mea nei i luga o le laupapa, faatasi ai ma nisi faaiuga o i ai i le vasega:

<b>"Pe E Te Alofa Ia Te Au ...</b>	<b>... E Sili Atu I Mea Nei?"</b>
Alu e fai asiasiga faaleaiga	(tali e ono tuuina mai)
Faataunuu ou tiute o le Talalelei	"E tele lou pisi i taaloga ma mea aoga."
Faia Papatisoga mo e ua maliliu	"O lo o ou i ai i se au tauva a le aoga."
Faia galuega fesoasoani	"E tatau ona ou aoao i le taimi tonu lava lena."
Faia se misiona	"Ou te alu e galue."
Faitau Tusitusiga Paia	"O le a aveeseina lau sikolasipi."
Faitau Tusitusiga Paia	"E tele naunau au meaaoga."

Fesili i le vasega po o gaoioiga o lo o i le koluma o le "E Sili Atu i lo o Nei Mea" pe sese pe leaga. O afea e ono avea ai nei mea ma se faafitauli?

**GAOIOIGA I MAU** Faitau le Ioane 21:16–17 faatasi ma lau vasega ma fesili atu ia i latou pe aisea latou te manatu ai na fesili ai Iesu ia Peteru i le fesili "Pe ete alofa mai ea ia te au?" faatolu. O le a se lagona na oo ia Peteru? (vaai fuaiupu 17). Sa faapefea ona ia tali atu ia Iesu i taimi taitasi? Talanoaina pe faapefea ona avea lo tatou alofa mo Iesu e aafia ai a tatou faaiuga?

**GAOIOIGA "VAAVAAI MO"** Ia vaai e le vasega ni auala i le vasega 2–5 o faaalia ai le saunoaga a Iesu e fafaga i ana mamoe.

**FAAALI VAEGA** 2–5 Vaega 2–5 (8:02) o ni vaega, e faalagolago i ni mea moni na tutupu, e faaalia ai pe faapefea ona faaaogaina e le au talavou le talosaga a le Faaola e fafaga ana mamoe.

Mo le Faiaoga: E mafai ona e faaalia ma talanoaina vaega taitasi.

## PE A MAE'A LE VITIO

**TALANOAGA** Tau atu i le vasega ina ua fetalai mai Iesu "Fafaga i au mamoe," sa manao o ia ia i tatou e taus ma fafaga fanau a le Tama Faalelagi. Talanoaina pe faapefea ona avea vaega o le vitio e faaalia ai le manatu "Fafaga i au mamoe." Talanoaina nisi auala tatou te faia e "fafaga i ana mamoe." E mafai ona fesoasoani fesili nei:

**Vaega 2 (1:04)** Pe tatau ona i ai se galuega e faia muamua ao le i faaalia lo tatou alolofa mo isi? O a nisi auala e mafai ai e Val ona fesoasoani ia Jason Cravetz?

**Vaega 3 (2:03)** Aisea na tuuina atu ai e Michelle ia Angie Clawson le Tusi a Mamona o se meaalofa mo lona aso fanau? O a ni auala tatou te fetufaaai ai le Talalelei ma a tatou uu?

**Vaega 4 (3:39)** O a ni tulaga e ono afaina ai pe a tatou taumafai e faasaoina amio a isi tagata? Aisea na talia ai e Ryan ia fautuaga a Dan?

**Vaega 5 (1:16)** Aisea e foliga ai e faigata ona agalelei i tagata taitoatas i pei o Vernon? Faamata o le a se lagona o maua e Vernon?

**AOTELEGA** Afai tatou te alolofa i le Alii e tatau ona tatou fafagaina ana mamoe.

## 11 Galuega 10

### O LE ASO UA LOA ONA FOLAFOLAINA

#### FAAMOEMOEGA

Ia fesoasoani i le vasega ia malamalama e faaalia e le Alii suiga i le Eklesia e ala mai i ana perofeta.

#### AO LE'I AMATAINA LE VITIO

**FAAMATALAGA O LE TALAFASOLOPITO** Sei oo mai i le taimi o mea tutupu o lo o i ai le Galuega 10 e lua ituaiga tagata liliu mai sa iai i le Feagaiga Fou–O tagata Iutaia ma tagata o Nuuese. O tagata liliu mai o nuuese sa liliu muamua i Sa Iuta ona sosoo lea ma le Eklesia. Masalo e leai se tagata o nuuese o le Eklesia e le i liliu muamua i Sa Iuta. E mafai ona fesoasoani lenei ata:

Sa liliu sa Iuta i le Faa-Kerisiano

O tagata o Nuuese sa liliu i sa Iuta, ua liliu i le faa-Kerisiano.

O Konelio o le tagata muamua lea e le o se Iutaia i le Feagaiga Fou ua papatisoina i le Eklesia e aunoa ma le liliu

atu i Sa Iuta muamua (vaai Lomifefilo i le Tusi Paia, s.v. "Cornelius"). O lona liliu mai e mafai ona faaalia faapenei:

Tagata o Nuuese Liliu i le faa-Kerisiano

**MALAMALAMAAGA I MAU** I ona po o Iesu, sa poloaiina le Au Apostolo e aua le talaiina le talalelei i tagata o Nuuese (vaai Mataio 10:5–6). Ina ua mavae le maliu o Keriso, sa poloaiina Peteru i se faaaliga ua oo mai le taimi e talai atu ai le talalelei i tagata uma. Ao e aoao i le Galuega 10:1–11:18, ia fesoasoani i le vasega ia malamalama o Peteru sa mauaina le faaaliga mo suiga i totonus o le Eklesia aua o ia sa avea ma Peresitene o le Eklesia i na aso. Ia fesoasoani foi i le vasega ia malamalama o le Alii e faaalia suiga i totonus o lana Eklesia e ala i ana perofeta. Sa saunoa mai Elder Harold B. Lee o se perofeta e faapea:

"Pe afai e i ai se mea e ese mai mea ua uma ona tauina mai e le Alii, o le a ia tauina mai i ana perofeta . . . Ou te faapea atu, 'Pe e te manatu ea a'o i ai le Alii ma ana perofeta i luga

o le fogaelele o le a ia faia se isi auala ese e faaalia ai mea i lana fanau? O le mea lena ua i ai lana perofeta, ma afai e i ai se mea ua ia finagalo e tuuina mai i lana Ekalesia, o le a ia tuuina mai i le Peresitene." (The Place of the Living Prophet, Seer, and Revelator," in charge to Religious Educators, 2nd ed. [Salt Lake City, The Church of Jesus Christ of Latter Day Saints, 1982], p. 109).

**TALANOAGA** Talanoaina le malosi o lenei faaaliga ia Peteru i le Ekalesia i na vaitaimi. Ia tuuina i ai mea nei:

- O Aposetolo ma faifeautalai ua mafai nei ona o atu "i le lalolagi atoa ma talai atu le talalelei i tagata uma" (Mareko 16:15).
- O tagata o le Ekalesia, ua toeitiiti lava Iutaia uma, ua i ai tagata sa avea ma tagata o Nuuese.
- O le a fesoasoani e aumaia se feeseesegaa faaauau pea o le tulafono a Mose o lo o taua ai tagata o le Ekalesia sa avea ma tagata o nuuese. O nisi o tusi a Paulo o lo o taua ai ia feeseseseaiga.

## FAAAOGAINA O LE VITIO

Aso Ua Loa Ona Folafolaina 8:35

*Mo Le Faiaoga:* Ao le i faaalia le vitio, ia mautinoa ua malamalama le vasega i tulaga nei:

- O le vitio o lo o faaalia ai le taimi e le i faatulagaina ai aloaia i totonusi o Ghana ma Nigeria. I lea vaitaimi, e le i iai ni faifeautalai ma ni tagata o le Ekalesia o i ai. Ae peitai, o nisi o tagata taitoatasai sa mafai ona maua ni tusi laiti e uiga i le Ekalesia ma ni kopi o le Tusi a Mamona.

## 12 Galuega 21–28

## O PAULO–O LE TAGATA FILIFILIA

### FAAMOEMOEAGA

Ina ia fesoasoani i le vasega ia malamalama pe na faapefeara ona filifilia Paulo e avea ma molimau mo ia i le lalolagi.

### AO LE' I AMTATAINA LE VITIO

SUEGA MAU Ia faitauina e le vasega le Galuega 9:6 ma sueina po o le a le mea sa poloaiina ai e le Alii Saulo e faia. O le a le mea na tauina e le Alii ia Anania o le mafuaaga o lona valaauna o Saulo i le galuega? (vaa Galuega 9:15–16).

I le avea o se vasega po o ni vaega, suesue le Galuega 18:21–22, ma le 26 mo faamatatalaga nei e uiga ia Saulo: o lana galuega (Galuega 18:3), o lana gagana (Galuega 21:37–40), o le nofoaga na fanau mai ai (Galuega 21:39), o lona faiaoaga (Galuega 22:3), tagata nuu (Galuega 22:25–29), o lona aoaoga faale-talalelei (Galuega 26:4–5). Fesili i le vasega pe faapefeara ona avea nei mea ma fesoasoani ia Saulo o se auauna a le Alii.

### FAAAOGAINA O LE VITIO

O Paulo–O se Tagata Filifilia 11:20

**GAOIOIGA "VAAVAAI MO"** Ina ua faaali le Alii ia Saulo i le ala i Tamaseko sa ia iloa o le a matua tigaina Saulo i le galuega, ae sa silafia foi e le Alii o le a mafai e Saulo ona faataunuina lelei le galuega mo ia. Ia vaavaai

- E ui ina toatele ni tagata uli sa avea ma tagata o le Ekalesia, sa i ai le tulaga i le Ekalesia e le mafai ona faauuina ni tagata uli i le perisitua. E pei lava o le faaaliga a le Alii ia Peteru lea na aveeseina ai le tuuina atu o le talalelei i tagata o Nuuese, o le faaaliga a le Alii i le perofeta o aso e gata ai e aveeseina ai le puipuiga o le perisitua ina ia maua e alii agavaa uma o le Ekalesia le avanoa e faauuina ai.

**FAAALI LE VITIO** O le ata o lo o faamatala ai le tala o le faaaliga na faaalia ia Peresitene Spencer W. Kimball e faalauteleina ai faamanuiaga o le perisitua i tama tane uma agavaa o le Ekalesia (see Official Declaration - 2).

### PE A MAE'A LE VITIO

**TALANOAGA** Talanoaina ni faatusatusaga i le va o le faaaliga ia Peteru ma le faaaliga na tuuina ia Peresitene Kimball (faataitaiga: o ia faaaliga e lua na tuuina atu i ulu o le Ekalesia, o ia faaaliga e lua ua matai ai faitotoa mo le faalauteleina o le talalelei i le lalolagi atoa). E mafai ona e faitauina le Faaaliga Aloaia - 2 ma talanoaina suiga ua tutupu i le Ekalesia, ona o le faaaliga ia Peresitene Kimball.

**TALANOAGA** Faamamafa atu le mea moni, e taitaiina e le Alii lana Ekalesia e ala i perofeta. Afai e i ai ni suiga a le Alii po o nisi faatonuga taua mo lana Ekalesia, o na faatonuga o le a ala mai i ana perofeta. Fesili atu i le vasega po o fea latou te maua ai saunoaga a perofeta soifua a le Alii, ma talanoaina po o le a le mea o lo o saunoa mai ai le perofeta ia i tatou i aso nei.

le vasega mo le taua o elemene taitasi o sauniuniga a Saulo ao ia alu atu ma faataunuina lona valaauga o se Aposetolo a le Alii o Iesu Keriso.

**FAAALI LE VITIO** O lenei vitio o lo o faaaoga ai ata pue i taimi eseese o le faatusa o Paulo. O lenei faatusa e faaaoga o se tulaga vaaia o le faatulagaina o Paulo e le Alii mo le galuega. O le aoaoga faaletalalelei o Paulo e le Alii mo le galuega. O le aoaoga faaletalalelei o Paulo, mo se faataitaiga, ua mafai ai e ia ona molimau atu i Iutaia; o lona nofoaga na fanau ai ma lana aoaoga i gagana ua saunia ai o ia e molimau i tagata o Nuuese; o lana puipuiga i luma o le Tupu o Akeripa ua faaalia ai se ata o le tulaga o le usiusitai o Paulo i lona valaauga.

### PE A MAE'A LE VITIO

**MALAMALAMAAGA I MAU** Faitau le Galuega 26:19–29 ma talanoaina le naunautaiga o Paulo mo i tatou uma (o le a mafai ona faaliliuina uma e talitonu ia Keriso ma naunau e molimau mo ia).

**FAAIUGA** Valaaulia le vasega e faamatala mai ni mea na tutupu i ni tagata latou te iloa sa faaliliuina ia talitonu ia Keriso po o nisi sa maua le avanoa e molimau ai i le moni o le talalelei a Iesu Keriso.

**FAAMOEMOEGA**

Ina ia fesoasoani i le vasega ia malamalama tatou te maua le fesoasoani mai le lagi mo i tatou taitoatasi ina ia maua ai le ola e faavavau e ala i le alofa o Iesu Keriso.

**Mo Le Faiaoga:** O lenei lesona o lo o faaautuina i luga o le sauniga o le alofa. Ona o le paia o le tulaga o lenei sauniga, e tatau ona faaaogaina le faautauta ma le faaeteete ao aoaoina lenei lesona. O lenei lesona e tatau ona sosoo ma le lesona 14, o le “Faatuatua ma Galuega,” ina ia fesoasoani i le vasega ia malamalama i le sootaga o le faatuatua, alofa, ma galuega.

**AO LE'I AMATAINA LE VITIO**

**TALANOAGA** Fesoasoani i lau vasega ia malamalama i mea nei:

1. O le alofa o auala faalelagi o le fesoasoani, po o se malosi e gafatia ai.
2. Tatou te manaomia le alofa ona o le pau o Atamu ma le sese o tagata.
3. O le Alii ua ia faalauteleina lona alofa ia i tatou ina ua ia:
  - a. Faatuina i tatou i le tino ola pea.
  - e. Tuuina mai ia i tatou le malosi ma le fesoasoani e faia ai galuega lelei.
  - i. Fesoasoani ia i tatou ia maua le faaeaina.
4. Ina ia maua le alofa i o tatou olaga e tatau ona tuuina atu lo tatou malosi atoatoa, faapea ma lo tatou ola ai i le mataupu faavae muamua ma sauniga o le talalelei.

**GAOIOIGA A LE VASEGA** Tau atu i le vasega o le Alii ua faalauteleina mai lona alofa ia i tatou i ni auala se tolu - faatuina i tatou i le tino ola pea, tuuina mai ia i tatou le malosi, ma le fesoasoani e fai ai galuega lelei, ma fesoasoani ia i tatou ia maua le faaeaina. Ia faitau e le vasega le Galuega 4:33; 15:11; 20:32; Roma 2:4; 5:15; ma le 2 Korinito 12:9 ma faamatala po o le a le ituaiga alofa o lo o tau mai i nei fuaiupu taitasi.

Galuega 4:33	Malosi ma le fesoaoani
Galuega 15:11	Faaeaina
Galuega 20:32	Malosi ma le fesoasoani/faaeaina
Roma 2:4	Malosi ma le fesoasoani
Roma 5:15	Tino Ola Pea
2 Korinito 12:9	Malosi ma le fesoasoani

**FAAAOGAINA O LE VITIO**

O le Aoaoga o le Agaalofa 13:07

**FAAALI LE VAEGA 1** Vaega 1 (5:37) o se faataoto o lo o faaalia ai pe faapefea ona avea le alofa o le Alii e fesoasoani ia i tatou ia maua le ola e faavavau.

**TALANOAGA** Pe a uma ona maimoaina le vaega 1, ia faia mea nei:

- Faatusatusa ma talanoaina pe na faapefea ona saunia e le tama le uila vilivae mo lona afafine e faapena foi ona totogiina atoa e le Faaola o le tau atoa mo lo tatou faaeaina.
- Faatusatusa ma talanoaina le tuuina atu e le tama i lona afafine o le tupe, e faapena foi ona tuuina mai e le Faaola ia i tatou le meaalofa o le faatuatua.
- Faatusatusa ma talanoaina le taumafai o le tamaitai e galue mo se tupe e totogi ai le uila e faapena le mea o lo o moomia e le Faaola ia i tatou e faia mo le mauaina o le ola e faavavau.
- Talanoaina pe aisea tatou te le mafaia ai ona maua le faaeaina i lo tatou lava malosi.

Tau atu i le vasega e na o Keriso e faaatoatoaina ai i tatou, o le mea lea e tatau ona o tatou faalagolago i lona alofa togiola (vaai le Moronae 10:32–33). I le Roma 12:3 o lo o fautua mai o a tatou galuega lelei o le taui lea, o le tuuina mai e le Atua ia i tatou o le malosi e sili atu i lo tatou lava iloa.

**GAOIOIGA “VAAVAAI MO”** Ao maimoaina e le vasega le vaega 2, ia latou vaavaai mo auala na tuuina mai ai e le Faaola le malosi ma le fesoasoani ia i tatou i taimi o faafitauli.

**FAAALI VAEGA 2** Vaega 2 (5:43) o lo o faaalia ai le auala na fesoasoani ai le Alii i se tamaitai tautaua i taalogia tau timinesi na feagai ma se faalavelave na mafua ai ona pipili.

**TALANOAGA** Fesili i le vasega po o a faigata na i ai Diane ma talanoaina pe na faapefea ona faamamaina e le alofa o le Alii lana avega. Talanoaina isi ituaiga o faigata e fetaiai ma tagata. Fesoasoani i le vasega ia iloa afai latou te liliu i le Faaola, o lona alofa e mafai ona fesoasoani ia i latou i o latou faigata (vaai foi 2 Korinito 12:7–9).

**GAOIOIGA “VAAVAAI MO”** Ao maimoaina e le vasega le vaega 3, ia latou vaavaai mo ni auala e mafai ai e le Faaola ona tuuina mai ia i tatou i aso taitasi le malosi ma le fesoasoani.

**FAAALI VAEGA 3** Vaega 3 (1:47) o ni ata pupuu se lua o lo o faaalia ai ala e aumaia ai e le Alii le fesoasoani mo i tatou ina ia tatou ola i le talalelei.

**PE A MAE'A LE VITIO**

**TALANOAGA** Ia malamalama le vasega o le agalelei ma le alofa o le Alii e mafai ona fesoasoani ia i tatou e amata ma faamaeaina ai mea e le mafai ona tatou faia pe afai e tuu i lo tatou lava iloa. Talanoaina le malosi ma

fesoasoani ua tuuina mai i tagata taitoatasi i le vitio. Valaaulia le vasega e faaalia o latou manaoga lelei sa mafai ona latou faataunuina ona o le fesoasoani a le Alii. Talanoaina pe faapefia ona sailia e le vasega le alofa o Keriso (vaai foi i le Roma 15:15; 1 Korinito 15:10).

## 14 Roma

### FAAMOE MOEGA

Ina ia fesoasoani i le vasega ia malamalama i le sootaga o le faatuatua, alofa, ma galuega i lo latou alualu i luma i le ola e faavavau.

### AO LE'I AMATAINA LE VITIO

GAOIOIGA Ia faitauina e le vasega le Mose 1:39 ina ia latou iloa le galuega a le Atua. Tau atu ia i latou, i le lalolagi e tele ni manatu sese i auala e maua ai e le tagata le faaolataga. Ia sailia e le vasega po o le tino ola pea e ala mai i le faatuatua, galuega, alofa, po o le faatasia o mea uma e tolu. Ia faapea foi ona latou faia i le mauaina o le ola e faavavau.

Mo Le Faiaoga: E mafai ona sueina le uiga o upu nei:

- Faatuatua: Talitonu—o le faalagolago ia Iesu Keriso ma lana togiola.
- Galuega: Faatinoina—tausia o tulafono, tausia a tatou feagaiga, faia o sauniga, ma attinae uiga faa-le-Atua.
- Alofa: Fesoasoani - fesoasoani paia ua tuuina mai e ala i le alofa ma le agalelei o Iesu Keriso.

### FAAAOGAINA

#### O LE VITIO

Faatuatua ma Galuega 8:18

GAOIOIGA "VAAVAAI MO" Tau atu i le vasega o lenei lesona o le a fesoasoani ia i latou ia malamalama ai pe mafai faapefia e le faatuatua, alofa, ma galuega ona tatou maua ai le faaolataga. Ao maimoaina le vitio, ia latou vaavaai mo ni manatu eseese o tagata faasee aisa i le tulaga e faasaoina ai.

**FAAALI LE VITIO** O le vitio o se faatusatusaga pe faapefia ona faasaoina i latou. E toatolu ni alii sa taumafai e oo atu i le Pole i Matu ina ua agi se afa malosi ma faatuai ai la latou malaga ma ono afaina ai lo latou soifua. Sa fefinauai i latou pe o le a le mea e tatau ona latou faia ina ia faasaoina ai i latou.

### PE A MAE'A LE VITIO

**TALANOAGA** Fesili atu i le vasega po o le a le mea sa popole i ai le au faasee aisa ina ua uma le afa. O a mea sa manatu i latou taitoatasi e tatau ona faia mo le faasaoina? O le a le matafaioi a le pailate? (ia iai pea le tulaga mo le faatumauina o lo latou ola). Tau atu i le vasega, e pei lava o le alii muamua, o ni tagata taitoatasi e talitonu e faasaoina i tatou i le na o a tatou lava galuega. O nisi e pei o le alii lona lua, e talitonu e faasaoina i tatou i le na o le

**MALAMALAMAAGA I MAU** Talanoaina le matapu faavae o le alofa e pei ona taua i le 2 Nifae 31:19; 3 Nifae 12:3; Eteru 12:27; MFF 20:30–31; 50:40; ma le 93:20.

### FAATUATUA MA GALUEGA

alofa tunoa o le Atua ma e tatou te le toe faia se isi mea e i tatou. Ao nisi, e pei o le alii lona tolu, e iloa e faaolaina i tatou e ala i le alofa tunoa o le Atua pe a uma ona tuuina atu lo tatou malosi atoatoa. Fesoasoani i le vasega e faaalia le sese o i latou e manatu e mafai ona faasaoina i latou e ala ia latou galuega, po o e manatu e le moomia le faia o se isi lava mea mo le faaolaina.

**MALAMALAMAAGA IA PAULO** Tau atu i le vasega, e pei o le manatu o le tagata faasee muamua, o nisi o tagata sa faalogologo ia Paulo, ua leiloa le tulimatai atu o le mana o le Atua e faasaoina ai i latou. Ua latou matua mulimuli i le tulafono a Mose ma ua latou leiloa ai o le faaolataga, e maua ma e auala mai i le Faaola. O le mea lea, o Paulo sa faaluina le tele o lona taimi e aoao ai le alofa tunoa nai lo galuega. I aso nei o se tasi o mafuaaga e eseese ai manatu o tagata e uiga i le faasaoina o i tatou ona o nisi o i latou e faaautu o latou talitonuga i luga o ni nai fuaiupu laiti o tusitusiga paia. I le faapupulaina o lenei mau, fesili i le vasega pe latou te manatu po o le tino ola pea po o le ola e faavavau o le meaalofa fua a le Atua, e tusa ai ma le 1 Koronito 15:21–22. Mo nisi faataitaiga faaopoopo i ni mau faitau filifilia ma talitonuga, ia tofi le vasega i ni vaega ona latou faia lea o se mea se tasi o mea nei:

Mau filifilia e uiga i galuega Fesili i le vasega pe manatu faapefia o le a faasaoina i latou pe afai e faaautu lo latou talitonuga o le faaolataga i le Teutoronome 10:12–13 (po o le Mataio 5:48, po o le Filipi 2:12). Tau atu i le vasega o nisi taimi o tagata o le Eklesia e faaseseina i le faitau ma talitonu i le na o ni nai fuaiupu o tusitusiga paia.

Mau filifilia e uiga i le faatuatua ma le alofa tunoa Fesili i le vasega pe manatu faapefia o le a faasaoina i latou pe afai e faaautu lo latou talitonuga atoatoa o le faaolataga i le Kalatia 2:16 ma le Efeso 2:8–9. Tau atu o lo o i ai tagata i aso nei (e pei o le tagata faasee lona lua i le vitio) e filifili faapitoa fuaiupu mai tusitusiga paia ma faavae ai o latou talitonuga e uiga i le faaolataga. I ana aoaoga sa faamamafa e Paulo le taua o le faatuatua ma le alofa tunoa e faasa'oina ai i latou ua talitonu e faasaoina i latou ia latou galuega.

Vaai atu atoatoa ia Paulo Tau atu i le vasega o le faamaonia o lona uiga e le agasala. Ia faitau e le vasega le Roma 3:24 ma fesili atu "E faapefia ona tatou faamaonia?" (i le alofa tunoa). Ia faitau le fuaiupu 28, ma fesili ia i latou le fesili lava e tasi. E faasaoina i latou i le alofa tunoa ma le faatuatua. Faitau le Roma 2:13 ina ia iloa po o ai o le a faamaonia (vaai foi i le 2 Nifae 25:23).

**AOTELEGA** E faasaoina i tatou i le alofa tunoa o Iesu Keriso e ala i lana taulaga togiola. O le tino ola pea (toetu) o

le meaalofa foaifua tatou te mauaina uma ona o lona alofa tunoa. O le ola e faavavau o le meaalofa foi o le alofa tunoa ae e faalagolago i luga o taumafaiga a le tagata lava ia. O i latou e tuuina atu lo latou taumafai malosi e mulimuli ia Keriso ua folafolaina i ai lana fesoasoani, malosi, ma le faamalosiau e faia galuega e ono le mafai ona latou faia (vaai 2 Korinito 9:8). E ala i lona alofa tunoa ua tatou maua

ai le vaega o le faatuatua (vaai Roma 12:3), ma e ala i le faatuatua (talitonu ma le faalagolago ia Keriso) tatou te faafafiaina le Atua (vaai Eperu 11:6). O lo tatou faatuatua e faaatoatoaina ia tatou galuega (vaai Iakopo 2:22). O le mea lea, tatou te maua le ola e faavavau e ala ia Keriso i le tausia o ana tulafono ma faaatoatoaina ia te ia (Moronae 10:32).

## 15 1 Koronito 3–6

## O LE TINO O LE MALUMALU

### FAAMOEMOEAGA

Ia faamalosia le vasega e tausia i latou ia mama ma agavaa mo le Agaga o le Alii.

### AO LE'I AMATAINA LE VITIO

Tau atu i le vasega o Korinito o se taulaga tele o feaatauaiga ma se aai e malosi i le ola lē mama. Ae o Paulo sa matua faamanuiaina i le faaliliuina mai o tagata Korinito mai a latou amioga leaga ma liliu atu ia Iesu Keriso.

### FAAALI LE VITIO

*O le Tino o le Malumalu 6:48*

**GAOIOIGA "VAAVAAI MO"** Faitau le 1 Korinito 3:16 ma fai atu i le vasega e sauni e faamatala po o le a le sootaga a le vaega 1 o le vitio i lenei fuaipu ma le Au Paia i Korinito.

**FAAALI LE VITIO** Vaega 1 (1:45) o loo faaalia ai se potu tele i se faletuai ua tuufua o loo i ai ni nofoa malepelepe, ni faamalama taei, ma le lapisi o loo salalau solo i le fola. Ua amata ona i ai se suiga i le potu ma foliga matagofie mai ina ua leai ni mea taei ma le malepelepe, o puipui ua amata ona foliga fou, ma ua vaaia foi ni tulaga o moli matagofie.

Mo le Faiaoga: Ona o le paia o malumalu, o mea o loo faaalia i le vitio e le i fuafuaina e foliga i ai totonus o le malumalu. Ao e aoaoina le lesona, ia mautinoia ia malamalama le vasega o tagata Korinito o lo o faatusaina i se aiga, ae le o se malumalu.

**TALANOAGA** Fesili atu i le vasega pe faapefea ona fesoottai le vaega 1 i le Korinito 3:16 ma le Au Paia i Korinito. Fesoasoani ia i latou e faatusatusa totonus o le fale i tagata Korinito ua liliu i le Eklesia. (Ao le i oo i lo latou liliu mai, e toatele tagata Korinito sa ola i ni olaga e tumu i le agasala. E ala i lo latou faatuatua i le togiola o Iesu Keriso ua maua ai, faafouina, ma agavaa mo le Agaga Paia.)

**MALAMALAMAAGA I MAU** Tau atu i le vasega ina ua tuua e Paulo Korinito sa ia iloa ane mulimuli e toatele le Au Paia Korinito ua toe foi i a latou amioga tuai. Fesoasoani i le vasega ia malamalama o le 1 Korinito sa tusia e aoai ai le Au Paia i Korinito e fautuaina ai i latou e aua nei toe foi ia latou amioga leaga. E mafai ona lisiina e vaega taitasi i luga o le laupapa nisi o upu taua sa latou maua.

**MALAMALAMAAGA I MAU** Faitau 1 Korinito 6:9–20 faatasi ma le vasega ma fai ia i latou pe o o latou lagonaina le lē fiafia o Paulo ina ua ia faalogo i tagata Korinito, sa mamā, ua toe amata ona leaga. Fesoasoani i le vasega ia malamalama o tagata o le Eklesia i ona po nei o loo i ai le lui lava e tasi e pei o le Au Paia i Korinito ina ia tausia o tatou olaga ia agavaa mo le Agaga o le Atua ao tatou ola ai i se lalolagi agasala.

**GAOIOIGA "VAAVAAI MO"** Fesili i lau vasega e sauni e talanoaina nisi o luitau o loo feagai ma i tatou i nei aso i le tausia o o tatou olaga ia mama ma agavaa mo le Agaga.

**FAAALI LE VITIO** Vaega 2 (5:03) o lo o faatusatusa ai olaga o ni tamaitai talavou o e, e ala i filifiliga, ua faavanoaina o latou aiga e aunoa ma le valaaulia po o le valaaulia foi o le Agaga o le Atua.

### PE A MAE'A LE VITIO

**TALANOAGA** E mafai ona talanoaina -

- Pe faapefea lagona o le vasega ina ua vaai i le potu matagofie ua tulaga palapala.
- Le avea o le moli e fai ma faatusa o le Agaga Paia. Fesoasoani ia i latou ia malamalama o le usiusitai e aumaia le malamalama sili; o le lē usiusitai ma le lē mama o lona iuga o le pouliuli ma le lē maua o le Agaga.
- Le mafuaaga e le mafai ai e le Agaga Paia ona nofo ma tagata e lē mama faaleagaga faatusa pe aisea tatou te le mananao ai e nonofo i ni fale tuai palapala.
- Filifiliga ua faia e teine taitasi.
- Filifiliga ua aveese ai po o le puipua ai o i tatou i nei vaitaimi.
- Mea e mafai ona tatou faia e tausia ai o tatou olaga i le alualu i luma i se tulaga lelei.
- O le a le uiga o le saunoaga a Paulo sa ia fai mai “Tou te le iloa ea . . . e le aiā foi outou ia te outou? Aua ua faatauina outou i le tau” (1 Korinito 6:19–20).

**FAAMOEMOEGA**

Ia fesoasoani i le vasega ia malamalama e i ai le eseesege i le va o le tiga faale Atua ma le faalelalolagi ma o le tiga faale Atua mo agasala e oo atu i le salamo faamaoni.

**AO LE'I AMATAINA LE VITIO**

**TALANOAGA** Ia faitau e le vasega le 2 Korinito 6:16–18 ma sueina le folafolaga o lo o taua e Paulo i le 2 Korinito 7:1. (E mau le Atua ma i tatou. E savali o ia ma i tatou. E avea o Ia ma o tatou Atua ma avea i tatou ma ona tagata. O le a ia taliaina i tatou pe a tatou mamā. O le a avea o Ia ma o tatou Tama ma avea i tatou ma ona atalii ma afafine.) Talanoaina po o ai tagata o le a mauaina nei folafolaga. (O tagata ua faia feagaiga ma le Atua ma o loo ola amiotonu.) O le a le mea sa fautuaina ai e Paulo le Au Paia i Korinito e faia e faatumauina ai le mama mo nei folafolaga? (Faamamaina i latou mai le leaga o le tino ma le agaga.) Talanoaina pe faapefea ona faamamaina o tatou tino ma agaga e ala i le salamo.

**GAOIOIKA O LE MAU** Faitau 2 Korinito 7:8–10 faatasi ma lau vasega ma fesoasoani ia i latou ia malamalama i mea nei:

- Sa valaauna e Paulo le Au Paia i Korinito e salamo i lana tusi muamua ia i latou.
- O le Au Paia i Korinito sa maua le tiga faaleAtua ma salamo ia latou agasala.
- O le tiga faaleAtua mo agasala e oo atu i le salamo, ao le tiga faalelalolagi e oo atu i le oti faaleagaga.

Sa faamamafaina e Paulo le taua o le salamo faaleAtua i le tulaga o le salamo. Faamatala atu o le mafuaaga o lenei lesona ina ia faaalia le eseesege i le va o le tiga faaleAtua ma le tiga faalelalolagi ma le ala e oo atu ai le tiga faaleAtua i le salamo moni.

**FAAAOGAINA O LE VITIO** O le Tiga faaleAtua e oo atu i le Salamo 9:10

**GALUEGA “VAAVAAI MO”** Fautuaina ao maimoaina e le vasega le vitio ia taumafai e faavasegaina le uiga o le tiga faaleAtua ma le eseesege i le va o tiga faaleAtua ma le falelalolagi.

**FAAALI LE VITIO** O lenei ata o lo o faaalia ai se tamaitai talavou o lo o aoaoina le eseesege i le va o le tiga faalelalolagi ma le tiga faaleAtua. I le faatalanoaga mo se pepa faataga o le malumalu mo lana faaipoipoga sa ia faailoa atu ai nisi o agasala sa ia faia i lona epikopo. Sa le fiafia o ia ma lagona le tiga faalelalolagi ina ua tau atu e lona epikopo ia te ia e le mafai ona maua sona pepa malumalu se i vagana ua salamo. E ala i le faagasologa o le tulaga o le salamo ua amata e lenei tamaitai talavou ona lagona le tiga faaleAtua ma le fiafia manaia e mulimuli mai i le salamo faamaoni.

**PE A MAE'A LE VITIO**

**TALANOAGA** Sa manatu Kim ua ia salamo ona sa ia tuua le faia o mea uma sa ia iloa e sese. Fesili atu i le vasega pe aisea e le tuuina atu ai e le epikopo se pepa

faataga o le malumalu ia Kim. (Ona na te le i mauaina le tiga faaleAtua sa ia lagona le faanoanoa mo mea sa ia faia, ona o tulaga faaletagata, ae le o le tiga mo le agasala lava ia ma le aafiaga o ia ma le va ma le Atua.)

**UPUSII** Sa saunoa mai Peresitene Ezra Taft Benson:

“E le faapea e le masani ona i ai ni alii ma ni tamaitai i le lalolagi e lagonaaina le faanoanoa mo mea sese ua latou faia. O nisi taimi e mafua ona o a latou gaoioiga ua oo ai i latou poo e pele i le faanoanoa tele ma le pagatia. O nisi taimi o lo latou faanoanoa ua mafua ona ua maua i latou ma faasalaina mo mea ua latou faia. O ia lagona faalelalolagi e le aofia ai le ‘tiga faaleAtua’ (2 Korinito 7:10).

“O le tiga FaaleAtua o se meaalofa a le Agaga. O lagona loloto o a tatou gaoioiga ua afaina ai lo tatou Tama Faalelagi lo tatou Atua. O se tulaga maai ma le matale o lo tatou iloa amio ua mafua ai le Faaola, e leai sana agasala, o le e sili i tagata uma, ona gafatia tiga ma faasalaga. O a tatou agasala ua mafua ai ona tafe mai toto i puninii uma o lona tino. O lenei tulaga faalemafaufau moni ma tiga faaleagaga ua faapea ona taua e tusitusiga paia o le ‘loto momomo ma le agaga salamo’ (MFF 20:37). O lea ituuga agaga o se vaega autu o le salamo faamaoni”. (Teaching of Ezra Taft Benson [Salt Lake City: Bookcraft, 1988], p. 72).

**TALANOAGA** Ia tuuina atu fesili nei:

- Aisea e avea ai le tiga faaleAtua ma mea muamua e tatau i se tagata ona lagonaaina pe afai ua ia salamo moni? (O le tiga faaleAtua o le malamalama o le agasala ua afaina ai le Tama Faalelagi ma mafua ai ona tiga le Faaola.)
- E faapefea ona avea le lē lava o le tiga faaleAtua o Kim ma mea ua taofia ai o ia mai le salamo faamaoni? (Ua taofia ai o ia mai le mauaina o le “loto momomo” ona o le faatiga i le Atua. Sa manatu o ia o le tulaga o le salamo ua atoatoa ina ua taofia lona toe faia o mea sese.)
- Aisea ua le lava ai le na o le taofia o le faia o mea sese? (O le salamo faamaoni e aofia ai le suia o le loto.)
- O le a se mea ua ese ina ua maua e Kim le “loto momomo” ma lagonaaina le tiga faaleAtua? (Sa ia amata ona lagonaaina le filemu, fiafia, ma le mapusaga e o faatasi ma le salamo faamaoni.)

Faitau le 2 Korinito 7:10 ma fesili i le vasega po o le a so latou manatu o le uiga o le saunoaga a Paulo ua faapea mai, “o le tiga faalelalolagi e tupu ai le oti.” (O tiga faalelalolagi e taitaia i tatou i le oti faaleagaga ona e taofia ai i tatou mai le salamo faamaoni.) O le a le uiga o le saunoaga a Paulo ina ua ia faapea mai, “O le tiga faaleAtua e galueaiina le salamo mo le faaolataga”) (O le tiga faaleAtua e taitai atu ai i le faamamaina o le tino ma le agaga ma avea ai se tasi e agavaa mo folafolaga o loo i le 2 Korinito 6:16–18.) O le a le uiga o le tiga faaleAtua i lo tatou va feagai ai ma le Alii? (O i latou o lo o tiga faaleAtua o le a salamo i mea sa faia ma taumafai e aua le toe faia mea e afaina ai le Atua.

**FAAMOEMOEAGA**

Ina ia fesoasoani i le vasega ia malamalama pe faapefea ona faaaogaina le tulafono o le seleselega i o tatou olaga.

**AO LE'I AMATAINA LE VITIO**

**TALANOAGA** Tusia “Totoina” ma le “Seleseleina” i luga o le laupapa ma faamatala mai e le vasega nei vaega autu e lua o le galueina o togalaau. E mafai ona faaali i lau vasega ni fatu laau e masani ai i latou ma ia latou faamatala mai le faasologa o le totoina ma le taimi e faamoemoe e seleseleina ai.

**FAAAAOGAINA O LE VITIO**

*O le Tulafono o le Seleselega 3:10*

**GAOIOIGA “VAAVAAI MO”** Ia faaailoa mai e lau vasega po o le a le tulaga ese o le togalaau o lo o faaalia i le vitio.

**FAAALI LE VITIO** O se aiga o lo o totoina se togalaau e fua mai ai ni fualau aina ma ni fua e ese mai i mea sa totoina.

**PE A MAE'A LE VITIO**

**TALANOAGA** Fesili i le vasega po o le a le mea ua tupu i le togalaau e le mafai ona tupu i le olaga ma pe aisea ua matua le mafai ai lava. Faitau le Kalatia 6:7 ma talanoaina le tulafono o le seleselega ma faapefea ona faaaogaina i le olaga. Ia faitau e le vasega le Kalatia 6:8 ma tau mai po o le a so latou manatu i le uiuga o le lulu i la le tino ma le agaga. O le a le seleselega e maua e tagata e lulu i nei tulaga taitasi?

**FETUFAAIGA O MEA TUTUPU** Valaaulia le vasega e fetufaaai faamanuiaga sa latou seleseleina e ala i le luluina i le agaga. O ia seleselega tau le tagata lava ia e aofia ai ni

mea na tutupu mai le fatauina o tusitusiga paia, auauna atu, anapogi, po o le onosai.

**MALAMALAMAAGA I MAU** I le olaga e i ai nisi taimi tatou te maitauina ai ni tulaga e foliga mai o ni tulaga e ese mai i le tulafono o le seleselega. Ia fatau e le vasega le Kalatia 6:9 ma le 3 Nifae 27:11 ma talanoaina pe faapefea le fuaitau “o ona po e tatau ai” ma le “nai aso” ua faaalia ai le faatuai o le seleselega, e le o se tulaga ese. Tuuina atu i lau vasega ia vaega nei latou te suesue i ai ma talanoaina pe faapefea ona faaaogaina i ai le tulafono.

**VAEGA MO SUESUEGA**

1. O Clark o le sa totogi atoa lana sefuluai ae foliga mai lava e le alualu i luma i tulaga tau tipe. O Tom e tutusa lona totogi ma Clark ae le totogiina sana sefuluai ae ua iloa le tele o ana mea faaletino.
2. O Ron e faamaoni, e toaga e aoao, ma o ona togi i le aoga maualuaga e evalesi i le B. O Jake e kopi i lana vasega ma e evalesi ona togi i le A. Ona o ona togi sa maua ai e Jake se sikolasipi i le Kolisi.

**UPUSII** O le seleselega atonu e le oo mai seia aulia atu le isi olaga. Elder Spencer W. Kimball, ao avea ma aposesto sa faapea mai, “O le amioleaga e tulaga manua mai mo se taimi, o tetee e tulaga mai e manua i a latou agasala, ae e sau le taimi, i le faamasinoga tonu, o tagata uma o le a faamasinoina, ‘tagata taitoatasi e tusa ai ma ana galuega’. (Faaaliga 20:13). E leai se tasi “e faasaoina” i se mea. I lena aso e leai se tasi e mafai ona sola ese mai le faasalaga o ana galuega, e leai foi se tasi e le mafai ona ia le mauaina faamanuiaga sa ia galue i ai . . . O le a i ai le faamasinoga tonu atoatoa”. (O Le Vavega o le Faamagalo Atu [Salt Lake City: Bookcraft, 1969], p. 305).

**18 Efeso 6:10–18****“O LE OFUTAU ATOATOA O LE ATUA”****FAAMOEMOEAGA**

Ia faaalia i le vasega pe faapefea ona fesoasoani le ofutau o le Atua ia i latou e tetee ai faaososoga ma vaivaiga o o tatou taimi.

**AO LE'I AMATAINA LE VITIO**

**TALANOAGA** Fesili atu i le vasega po o le a le meatau pito sili ona matautia ua iloa e tagata o (meatau niukilia). O le a se toatele o tagata ua faaleagaina e nei meatau? (miliona ma miliona). O le a nisi o meatau matautia ua faaaogaina i o tatou olaga faaleagaga? (vailaau faasaina, ola le mama, taaloga o matematega, faamaualuga, ita, lotoleaga, manatu faapito, faavaivai, le mautonu). E toafia ni tagata e mafai ona faaleagaina e nei meatau? (e sili atu i lo o meatau niukilia).

**MALAMALAMAAGA I MAU** Faitau le Efeso 6:10–18 ma fesoasoani i lau vasega ia taliina fesili nei:

Ofutau	Sauniga o le talalelei o le filemu
sulugatiti	Talipupuni
Mataupu o le Talalelei	Fatuatua
Upumoni	Puloutau
Ufi fatafata	Olataga
Amiontonu	Pelu
Faaseeveainea ma vae	Agaga (po o le afioga a le Atua)

- O le a le ituaiga o taua o lo o tauina mai e Paulo i le Efeso 6:12? (tauua faaleagaga)
- O le a le ituaiga o puipuiga ua saunia e le Alii e fesoasoani ai ia i tatou e “tetea ai leaga o le aso”? (“O le ofutau atoatoa o le Atua” e mafai ona lisiina taitasi vaega uma o le ofutau, faatasi ma matapu faavae o le talafelei talafeagai, i luga o le laupapa).

## FAAAOGAINA O LE VITIO

“O le Ufifatafata atoatoa a le Atua” 14:29

**GAOIOIGA”VAAVAAI MO”** Ia vaiai e le vasega tali o fesili nei ao latou matamata i le ata: 1) O le a le faamaoniga i o tatou olaga o lo o tatou i ai i se taua ma Satani? 2) O le a ni gaoioiga faaletalalei e aafia ai le ofuina o le ofutau o le Atua? 3) O a ituaiga o puipuiga ua tuuina ia i latou ua ofu i ofutau atoatoa?

**FAAALI LE VITIO** O le vitio o loo faaalia ai ni tulaga faatusa i se vaaiga i le va o ni fitafita talavou o faafeagai ma se taua ma talavou ua faaoftuina i latou i le “ofutau atoatoa o le Atua.” O ia vaaiga o lo o faaautu i luga o ni faamatalaga mai le lauga o le konafesi sa tuuina mai e Peresitene Gordon B. Hinckley ma le Efeso 6:10–18. O lo o faaalia ai i le vitio le tulaga e mafai ai e tupulaga talavou o nei aso ona tetea atu “togafiti a le tiapolo” (Efeso 6:11).

## PE A MAE'A LE VITIO

**TALANOAGA** I luga o le laupapa, lisiina tali a le vasega i fesili e tolu i le gaoioiga “vaaavaai mo” o loo taua i luga. (O

## 19 2 Tesalonia 1:1-2:3

### FAAMOE MOEGA

Ia faamalosi i le vasega e faalogo i auauna filifilia a le Alii mo se malamalamaga sili o le aoaoga a le Afio mai Faalua.

### AO LE'I AMATAINA LE VITIO

**GAOIOIGA I MAU** O le toatele o le Au Paia i Tesalonia ua malamalamaga sese i aoaoga a Paulo e uiga i le afio faalua mai o Iesu Keriso i lana tusi muamua ia i latou. Faitau le 1 Tesalonia 4:13–17 ma fesili i le vasega pe faapefea ona ono malamalamaga sese i nei fuaiupu. Fai atu i le vasega e toatele le Au Paia i Tesalonia ua mumusu e galulue ae ua nofonofa ona ua latou manatu o le Afio Faalua Mai o le a vave ona oo mai. Ona o lenei malamalamaga sese sa toe tusi ai e Paulo lana tusi lona lua i Tesalonia. Faitau le 2 Tesalonia 1 faatasii ma lau vasega ma saili po o a mea na tusia e Paulo e faasaoina ai le le malamalamaga e uiga i le Afio Faalua Mai ma le faatoafemuina o le Au Paia sa amusia ona o lo latou talitonuga ia Iesu Keriso.

**MALAMALAMAAGA I MAU** Faitau le 2 Tesalonia 2:1–3 faatasii ma le vasega ma fesoasoani ia i latou ia malamalamaga i vaega nei sa taua e Paulo e uiga i le Afio Faalua Mai:

gaoioiga faaletalalei e aafia ai le faia o le ofutau o le Atua e ono i ai mea nei e pei o le tatalo, suesueina o tusitusiga paia, ma le auauna atu. O ituaiga o puipuiga e ono i ai mea nei e pei o le malosi e tetea ai i faaososoga, faia o filifiliga sao, ma le aveeseina o le ita ma le faamaualuga.)

Faamalamalamama o le fili e moni ma e iai foi lona mana. Fesili atu i le vasega po o le a lo latou manatu i “u fanafana” o lo o fanaina atu ia i latou. Valaaulia le vasega e fetufaa ni mea na tutupu ia i latou e faailoa ai le puipuia o i latou i le ofutau o le Atua.

**UPUSII** Sa saunoa mai Peresitene Gordon B. Hinckley:

“E le mafai ona tatou le mama ma manatu i le fesoasoani a le Silisili Ese . . .

“E le tatau ona e tagofia mea e ono vaivai ai lou mafaufau ma lou tino. O mea nei e pei o vailaau faasaina, ‘pauta’, ava malosi, tapaa. E le tatau ona e faia ni gaoioiga le mama. E le mafai ona e faia nei mea ma avea oe o se tagata tau malosi i le autau a le Alii . . .

“ . . . O loo tatou i ai nei i se fesootaiga malosi e aafia ai agaga o atalii ma afafine o le Atua. Tatou te le o faiaina. O lo o tatou manumalo. E faaauau pea ona tatou manumalo pe afai tatou te faatuatua ma faamaoni. E mafai ona tatou faia. O le a tatou faia” (In Conference Report, Oct. 1986, p. 57; or Ensign, Nov. 1986, p. 44). 1

## O LE AFIO FAALUA MAI

- “Aua nei vave luluina o outou mafaufau pe faaatuatuavaleina” (v.2): Aua le faapopoleina e uiga i mea sese tou te faalogo i ai. Tau atu i le vasega i le faaliliuga e Iosefa Samita e faiatuita faapea “ . . . pe faaatuatuavaleina i ni tusi, se i vagana ua maua mai ia i matou” (faamamafaga faaopoopo). O Paulo sa faamalosia le Au Paia e faalogo i na o e ua i ai le pule.
- “Aua nei faaseseina outou e se tasi” (v.3): E i ai lava i latou o lo o aoaoina mataupu sese e uiga i le Afio Faalua Mai.
- “Se ia muai ona taunu le tetea ese” (v.3): O le a i ai le liliuese mai le Ekalesia ao le i oo mai le Afio Faalua Mai.

### FAAAOGAINA O LE VITIO

O le Afio Faalua Mai 3:46

**GAOIOIGA** Faailoa i lau vasega o le a latou faalogo i ni manatu talanoaina se tolu o ona po nei e uiga i le afio faalua mai o Iesu Keriso. Ia saunia i latou e faamatala pe faapefea ona latou taulimaina ia tulaga.

**MANATU TALANOAINA 1.** O se alii i lau vasega seminare ua ia faaalia ia te oe lona pologa i mea sa ia faalogo i ai e uiga i le Afio Faalua Mai ma le iuga o le

lalolagi. Ua ia manao e iloa po o ua lava se taimi o tototoe mo ia e fuafua ai mo se misiona ma aoaoga i le kolisi. O loo ia popole o le a le maua e ia le avanoa e faaipoipo ai ma maua ni fanau. Fai atu i le vasega e faamatala otooto mai pe o le a sa latou tali atu i lenei alii.

**FAAALI VAEGA 1.** Vaega 1 (1:04) o se vaega mai le tautalaga sa tuuina atu e Elder Boyd K. Packer (in Conference Report, apr. 1989, p. 72; or Ensign, May 1989, p. 59).

**TALANOAGA** Fesoasoani i le vasega ia malamalama o lo o i ai le taimi e sauniuni ai mo se olaga umi mo fanau ma fanau a fanau ma o lena lagona o le fefe e le sau mai le Atua. Ia faaeteete ina ia aua nei faauiga seseina e le vasega le saunoaga a Elder Packer ma manatu ai e le manaomia le sauniuni mo le Afio Faalua Mai i le taimi nei.

**MANATU TALANOAINA 2** O se uo sa faamatala atu ia te oe sa ia auai i se faeasaite sa lauga ai se tasi i sana miti sa faia e uiga i le Afio Faalua Mai. I lea miti sa poloaiina ai o ia e aoao le Au Paia i mea e tatau ona latou faia ina ia saunia ai mo le Alii pe a toe afio mai. O lau uo na te le o silafia pe tatau ona ia faia mea sa fai mai ai lenei failauga pe leai. Fai atu i le vasega e otooto mai po o le a se latou tali atu i lenei tamaitai.

**FAAALI VAEGA 2** Vaega 2 (1:32) o se vaega o le saunoaga a Elder Boyd K. Packer (in Conference Report, Sept–Oct. 1989, p. 17; or Ensign, Nov. 1989, pp. 14–15).

**TALANOAGA** Fesoasoani i le vasega ia malamalama i mataupu faavae nei:

1. Se i vagana ua faamanuiaina se tasi i se tulaga pule faamalumalu i totonu o le Eklesia, latou te le mauaina ni faaliga e uiga i mea e tatau ona faia e isi.

2. O le auala e filifilia ai taitai o le Eklesia ua fesoasoani ia i tatou e iloa ai po o ai ua valaauna ma tuuina i ai le pule e auauna ai ma aoao.

3. O mea tutupu faaleagaga e tatau ona teuina pea i le tagata lava ia ae le faaalia o se valaauga e faatonu ai isi.

**MANATU TALANOAINA 3** O lou tuafafine ua sau i le pale ma le popolega i se mea sa ia faalogo ai i le faiaoga o le Aoga Sa. Sa faapea mai lona faiaoga o faailoga o le Afio Faalua Mai ua toeititi lava faataunuina uma ma o lena aso tele ua lata mai. Sa faapea mai foi le faiaoga afai e le i saunia le teuina o meaai a tagata o le Eklesia, ua tuai. O le a sau tala e fai atu i lou tuafafine popole?

**FAAALI VAEGA 3** Vaega 3 (1:10) o se vaega o le saunoaga sa tuuina mai e Elder Neal A. Maxwell (in Conference Report, Apr. 1988, pp. 6–8; or Ensign, May 1988, pp. 7–9).

**TALANOAGA** Fesoasoani i le vasega ia malamalama i mea nei:

1. E le o faailoga uma o le Afio Faalua Mai ua faataunuina.
2. O tagata o le Eklesia e tatau ona vaai mo faailoga o le Afio Faalua Mai, ae aua nei avea ma tulaga saisaitia ia i latou.
3. E tatau ona tatou faia pea mea masani i o tatou olaga ma le filemu ma le amiotonu.

## 20 Eperu 11

## “O LE AMIOTONU E OLA I LE FAATUATUA”

### FAAMOEMOEAGA

Ia fesoasoani i le vasega e faalautele lo latou malamalama o le mataupu faavae o le faatuatua ia Iesu Keriso.

### AO LE'I AMATAINA LE VITIO

**MALAMALAMAAGA I MAU** Tau atu i le vasega o le toatele o le Au Paia i Eperu sa faaletonu i lo latou faatuatua ma le malamalama ia Iesu Keriso. E toatele o i latou ua faaauau pea ona mulimuli i sauniga o le tulafono a Mose ina ua maea le faasatauroina o le Faaola. O le mafuaaga o le tusi atu o Paulo i le Au Paia i Eperu ina ia faaliliuina i latou o le tulafono a Mose ua uma ona suia i le talalelei a Iesu Keriso, ma ua ia manao ia faatupuina lo latou faatuatua ma le talitonu ia Iesu Keriso.

**GAOIOIGA I MAU** la sueina e le vasega ma talanoaina le faatuatua a Paulo sa tuuina atu i le Au Paia i Eperu o loo i le Eperu 10:35–38. (Aua nei lafoaiina lo outou faatuatua, ia faia le finagalo o le Atua ma ia iai le onosai ao faatali mo le mauaina o ana faamanuiaiga

folafolaina, ma ola i le faatuatua.) Sa tuuina atu e Paulo le tele o faataitaiga o ni toa o le Feagaiga Tuai sa ola i le faatuatua. Ia faitau e le vasega le Eperu 11 ma lisiina tagata taitasi o loo faatatau i ai, ma pe faapefea ona faatinoina i lea tagata le faatuatua ia Iesu Keriso.

**TALANOAGA** Filifilia ni tagata mai le Eperu 11 ma faamatala mai e le vasega pe faapefea ona o latou faatinoina lo latou faatuatua i le Alii o Iesu Keriso ma pe faapefea foi ona mafai e nei tagata ona maua lenei faatuatua tele. Tau atu i le vasega i le Faaliliuga a Iosefa Samita o lo o suia le upu faalagolago i le mautinoa i le Eperu 11:1. Talanoaina pe faapefea ona tatou mauaina le mautinoa ma le faatuatua ia Iesu Keriso.

### FAAAOGAINA

### O LE VITIO

“O Le Amiontu e Ola i le Faatuatua” 12:19

Tau atu i le vasega o le vitio e uiga i se alii talavou sa manao e iloa pe faapefea ona ia mauaina le mautinoa ma le faatuatua ia Iesu Keriso.

**FAAALI LE VITIO** O Sean, o se tagata fou liliu mai i le Ekalesia, sa folafolaina atu i lona faamanuiaga o lona aiga o le a auai i le Ekalesia i se taimi o i luma pe a ia tausia tulafono. O le aiga o Sean, ua amata ona tetee ina ua ia teena se galuega e manaomia ai lona faigaluega i le Aso Sa o se galuega e mafai ona fesoasoani ai i lona aiga i tulaga tau tupe. Ao tau faaletonu le faatuatua o Sean sa ia sailia pe faapefea ona ia faamalosia lona faatuatua.

## PE A MAE'A LE VITIO

**TALANOAGA** Talanoaina fesili nei:

- O le a le folafolaga sa tuuina atu ia Sean ina ua faamanuiaina o ia e avea ma tagata o le Ekalesia? (O le a auai lona aiga i le Ekalesia pe a ia tausia tulafono.)
- O le a se popolega tele sa ia Sean e uiga i lenei folafolaga? (O le tele o lona tausia o tulafono, o le tele foi lea o le foliga mai o le alu ese atu o lona aiga mai le Ekalesia.)

- O le a le mea sa faia e Sean e faaalia ai o loo i ai lona faatuatua ma le talitonuga i le folafolaga a le Alii? (Sa ia le talaina le galuega).

- E faapefea ona mauaina e Sean le mautinoa po o le faatuatua ia Iesu Keriso? (E ala i le iloa o ona uiga ma aaooga ma talitonu ia te ia e ala i le suesue, mafaufau loloto, ma le tatalo.)

- Po o folafolaga uma a le Alii e faataunuina vave uma? (Sa i ai ni tagata i le Eperu 11 sa faatalitali mo le tele o tausaga mo folafolaga a le Alii ina ia faataunuina.)

- Pe i ai se eseesega ia Sean po o le a le umi e faataunuina ai le folafolaga? (E leai pe afai o lona faatuatua ia Iesu Keriso e tumau le Malosi.)

Faaali atu ni mea na tutupu ia te oe lava ia ma valaulia nisi o le vasega e faaalia foi ni mea na tutupu ia i latou pe faapefea ona avea le tatalo, mafaufau loloto, ma le suesue i tusitusiga paia e attineina ai le faatuatua ma fesoasoani ia i latou e iloa ma talitonu i le Faaola.

## 21 Faaaliga

### FESOASOANIGA IA MALAMALAMA I LE TUSI O FAAALIGA

#### FAAMOEMOEGA

Ia saunia ni fesoasoani mo le vasega ao o latou suesue i le tusi o Faaaliga.

*Mo le Faiaoga:* O lenei lesona ma le ata faaali ua fuafuaina e fesoasoani i le vasega ia malamalama i le faatulagaina, faailoga, ma le autu taua o le tusi o Faaaliga.

#### AO LE'I AMATAINA LE VITIO

**MALAMALAMAAGA I MAU** Faamatala o Nifae sa faaalia i ai le faaaliga o le iuga o le lalolagi ae sa faasaina ona tusia mea sa ia vaai i ai. Faitau e le vasega 1 Nifae 14:18–28 ma tau mai pe aisea na faasaina ai Nifae e tusia ia mea. O ai sa poloaiina e tusia mea tutupu e uiga i le iuga o le lalolagi? Tau atu i le vasega o nisi o mea sa faasaina Nifae e tusia o loo i ai lea i le tusi o Faaaliga.

**FAAAOGAINA O LE VITIO** Fesoasoaniga ina ia Malamalama i le Tusi o Faaaliga 7:48

**FAAALI VAEGA 1** Vaega 1 (3:10) faaalia ai ni tagata suesue i talaaga ua mauaina se potu ua leva o lo o i ai ni atafaafoliga mai le tusi o Faaaliga i luga o puipui. O lenei vaega e saunia ai le vasega mo nisi faatonuga i le faatulagaina o le tusi o Faaaliga.

**GAOIOIGA I MAU** O le vaega 1 e faaiuina i fesili nei e tolou e uiga i le faatulagaina o le tusi o Faaaliga. Ia tusia nei fesili ma mau i luga o le laupapa.

- O ai le tagata e toatasi lava e mafai ona tatalaina le faamau faailoga? (vaaí le Faaaliga 5:1–8)

- O le a le mea o loo i ai i le tusi? (MFF 77:6)

- O a ni mea o loo suia e faamaufaailoga? (vaaí MFF 77:7)

Ia sueina e le vasega le Faaaliga 6–8 ma faailogaina ia latou tusi mea o loo tatalaina ai nei faamaufaailoga. Tau atu i le vasega o le tele o le faaaliga a Ioane e uiga i mea na tutupu o loo faaalia i mataupu e uiga i le faamaufaailoga e fitu e pei o le Tama Faalelagi. Tau atu foi i le vasega o mea uma o tutupu i le Faaaliga e le o tutupu i se faasologa.

**FAAALI VAEGA 2** Vaega 2 (1:36) o loo toe ototoina mai ai nisi faamatlagaga e uiga i le faatulagaina o le tusi o Faaaliga ma faapea foi ona i ai faamatlagaga e uiga i faailoga.

**GAOIOIGA I MAU** Tau atu i le vasega e tele ni vaega eseese o fesoasoani o loo i ai mo le faaliliuina o faailoga o loo faaaogaina i le tusi o Faaaliga. Faailoa atu i lau vasega pe faapefea ona faaaogaina nisi o nei fesoasoani i le faaaogaina o faataitaiga mai le siata i le faaiuga o lenei lesona.

O nisi o tagata o le a fafaigata ona latou te le mafai ona faaliliuina faailoga uma i le tusi o Faaaliga. Sa faapea mai le perofeta o Iosefa Samita: "Ou te faia lenei faasilasilaga lautele, e soo se taimi e tuuina mai ai e le Atua se faaaliga i se faatusa, o se manu, po o se foliga o soo se mea, o le a i ai pea ia te Ia le matafaioi e tuuina mai ai se faaaliga po o se faaliliuga o le uiga o ia mea, a leai o le a le tuuia pe saisaitia i tatou e tusa ma lo tatou talitonuga i ai. Aua le fefefe i le faasalaina i le le iloa o le uiga o le Faaaliga po o se faaliliuga o le mataupu" (Teachings of the Prophet Joseph Smith, sel. Joseph Fielding Smith [Salt Lake City: Deseret Book Co., 1976], p. 291).

**FAAALI VAEGA 3** Vaega 3 (3:02) ua faailoa mai ai le autu moni o loo i le tusi o Faaaliga.

**TALANOAGA** Fesili i le vasega po o le a lo latou manatu o le a le autu moni o le Tusi o Faaaliga.

**GAOIOIGA I MAU** Fesili i lau vasega mo ni faataitaiga, mai talaaga po o aso nei, o le tevolo o foliga e manumalo i le lelei. La suesue i latou i ulutala o le mataupu o le tusi o Faaaliga mo ni faataitaiga o le feteenai i le va o le lelei ma le leaga ma talanoaina po o a ni mea ua latou aoaoina e uiga i lenei feteenai. Faamanatu i le vasega e manatua

le autu - E manumalo le Atua i le tiapolo - ao o latou faitau ma suesue i mataupu o le tusi o faaaliga.

### PE A MAE'A LE VITIO

**TALANOAGA** Talanoaina po o le a le uiga o le iloa o le Atua o le a manumalo ia Satani? Fesili ia i latou po o le a le ituaiga o folafolaga e mafai ona latou tulimatai i ai pe a o latou amiontonu? (Vaai Faaaliga 21:3–6) Talanoaina mea e tatau ona tatou faia i o tatou olaga ia mautinoa ai ua tatou i ai i le itu a le Alii.

#### Puna o Fesoasoaniga

O le Tusi o Faaaliga

Faaaliga o Aso nei

#### Faataitaiga

O le faaliliuga o fetu e fitu ma le moligao o loo maua i le Faaaliga 1:20 (a JST footnote that the stars are servants). O le faaliliuina o le tarako i le Faaaliga 12:3 o lo o maua i le Faaaliga 12:9.

O le faaliliuina o le sami tiota i le faaaliga 4:6 o lo o maua i le Mataupu Faavae ma Feagaiga 77:1

O le faaliliuina o le fafine i le Faaaliga 12:1–2 o lo o maua i le Faaliliuga o Iosefa Samita i le taiala o le Tusi Paia Lomiga a le LDS (o lo o faailoa ai o ia o le ekalesia a le Atua).



O LE EKALESIA A  
**IESU KERISO**  
O LE AU PAIA O ASO  
E GATA AI

SAMOAN



4 02342 32890 1  
34232 890